



類函 百七



二百三三邊塞

二百三三邊塞

二百三

1加3
427
107





新念圖書

此冊八月廿一日
係明八年八月
月廿一日
悼諸田一人
郎君山田資
所購以贈

早稻田書

淵鑑類函卷二百三十二

邊塞部三

南蠻總敘

盤瓠種

夔君種

板楯蠻

夜郎國 滇 東 西 南 平 兖州 哀牢 六詔 南 東 南 昆彌國 附國

南蠻總敘

原杜氏通典曰南蠻在唐虞與之要質故曰要服夏商之時漸為邊患暨周黨象彌盛故詩曰蠢爾蠻荆大邦為讎楚武王時蠻與羅子共敗楚師殺其將屈瑕楚師後振遂屬於楚及吳起相悼王南并蠻越遂有洞庭蒼梧之地秦昭王使將伐楚略取蠻夷置黔中郡漢興以

後時有寇盜其西南諸夷夜郎之屬悉平定置郡縣公
孫述時夜郎大姓為漢保境後漢初從番禺江奉貢光
武建武中武陵蠻帥單程大寇郡縣漢將劉尚戰敗數
歲方平順帝時武陵太守增其租賦蠻又舉種反殺鄉
吏東晉時沔中蠻因劉石亂後漸徙陸渾以南徧滿山
谷宋齊以後荆雍二州各置校尉撫寧之互受南北朝
封爵至後魏末暴患滋甚僭稱侯王屯據峽路斷絕行
旅周武帝遣陸騰大破之其獠初因蜀李勢亂後自蜀
漢山谷出侵擾郡縣至梁時州郡每歲伐獠以為利及
後周平梁益自爾遂同華人矣

增文獻通考曰隋置

辰州以處蠻唐置錦州溪州巫州敘州皆其地也唐李
蠻酋分據其地自署刺史晉天福中馬希範襲父業有
湖南溪州刺史彭士然等以溪錦蔣州歸馬氏立銅柱
為界宋建隆四年慕容延釗平湖湘知溪州彭允林刺
史田洪贇等列狀歸順詔仍其官太平興國八年錦溪
敘富四州蠻相率詣辰州願比內郡民輸租稅詔不許
自後首領入貢不絕最大者曰彭氏彭氏世有溪州州
有三曰上中下總二十州皆置刺史而以下溪州刺史
兼都督主十九州皆隸焉謂之誓下州熙寧初天子方
用兵以威四荒湖北提刑趙鼎言峽州洞酋剝削無度

蠻衆願內附屬辰州遂以章惇察訪湖北經制蠻事北江諸蠻隸辰州在黔之西南阻五溪漢黔中地為羈縻州三十六而下溪州為大彭氏世居之南江諸蠻自辰州達於長沙各有溪峒本唐郡縣五代失守諸蠻分據其地曰敘曰峽曰中勝曰元則舒氏居之曰獎曰錦曰懿曰晃則田氏居之曰富曰鶴曰保順曰天賜曰古則向氏居之惇既經制於是南江之舒氏北江之彭氏梅山之蘇氏誠州之楊氏相繼納土創立城寨使之比內地為王民置沅誠二州 續文獻通考曰真宗咸平五年施蠻數擾召問巡檢使侯廷賞對曰蠻無也求惟欲

鹽爾因詔夔州路轉運使丁謂與之諸蠻感悅於是與溪州蠻皆歲輸粟易鹽邊粟有三年之積元初置沿邊溪峒招討使司至正初施南叛詔諭降之更為施南道宣慰司廢富州為散毛峒尋又更散毛誓厓為宣撫司以順州為忠建軍置湖南鎮邊宣慰使司置石溪峒長官司於故西高州又改高羅寨為宣撫司其後施州峒蠻叛招降之進州為施南招討司無何明玉珍起蜀盡據其地明討平之分設宣慰安撫及各長官司焉

南蠻總敘二

姑射 山海經云姑射國在海中屬列姑射西
軒轅 南山經云大蟹在海中列姑射在河州

中軒轅國在此窮山之

際其不壽者八百歲 大人 君子 又云大人國為

其子好讓其人不爭有薰華草朝生夕死 謹兒 巫咸

又云謹兒其為人人面有翼鳥喙方捕魚一曰在畢方

東或曰謹朱國巫咸國在女丑北右手操青蛇左手操

赤蛇在登葆山羣 穿曾結曾 儋耳聶耳 又曰貫曾

巫所從上下也 在載國東結曾國其人結曾郭璞注臆前

胃有窾一曰在載國東結曾國其人結曾郭璞注臆前

出如人結喉也 異物志云儋耳夷牛則饑其頭皮垂

相連并鑿其耳匡為數行與項相連狀如雞腸下垂有

上食諸以積諸為業山海經云聶耳之國在無腸國東

使兩文虎為人行則以手攝其耳郭璞 一目一臂 三首

注云言目長行則以手攝其耳郭璞 一目一臂 三首

三身 山海經云一日一鼻孔有黃馬虎文一目而居一臂國一臂

為一人一身三首在鑿齒東三身 丈夫 女子 又云丈

國在夏后啓北一衣冠帶劔女子國在峴成北郭璞注

維鳥北其為人衣冠帶劔女子國在峴成北郭璞注

有黃池婦人入浴出即懷娠矣若牛男子三歲輒死

長股長臂 無腎無腸 又云長股之國在維常北被髮

臂長二丈以類推之則此人脚過三丈矣黃帝時至又

曰在焦饒東捕魚海中無腎之國在長股東為人無腎

無腸國有深月東其人長而無腸也郭璞注腎肥腸也

其人穴居食土無男女死即埋之其心不朽死百廿歲

仍復 跂踵 奇肱 足亦大 一曰大踵奇肱之國其人

更生 一臂三日 黑齒國 黃頭人 郭璞注倭國東四十餘

乘文馬 黑齒國 黃頭人 郭璞注倭國東四十餘

里志云黃頭人羣相隨行無常居處齒與禽獸同或依

物志云黃頭人羣相隨行無常居處齒與禽獸同或依

大樹以首披其枝上而庇陰其下暖正 裸形 繡面

黃如帚見漢人散入草終不可得也 三百里為巢穴謂之野

南夷志曰裸形蠻在尋傳城西三百里為巢穴謂之野

蠻君長女多男少無田農衣服惟有木皮以蔽 厭火

形 繡面 蠻生一月則刺面青黛塗之如繡狀 厭火

反風

在瀛洲

南蠻總敘

逆風間 千里也 量水川 歐絲野 南夷志曰量水川在滇池

狹蠻上云此實忽室空則百姓憂溺 山流甚廣石實其

東其木長百仞無枝郭璞注言噉桑而吐絲蓋蠶類也

人郭璞注短狐也似蠶含沙射人中之則病死此山

不廢織績其甘棠殊柰南夷志曰甘棠國在大海之

者豈齒人也 又在林邑南去交州異物志曰無論國有大

絕遠古未 無論加陳道左右種柰和諸花果白日

嘗朝中國 涼蔽熱十餘里一亭皆美井水食麥飯飲蒲

南 折腰 穿鼻 廣志曰折腰濮其俗生子皆折其腰

乃行其次者花頭金釘兩枚從鼻兩邊穿令透下

金齒銀齒 毛民羽民 唐書南蠻傳有黑齒金齒銀齒

寢食則去之 山海經云毛民國為人身生毛頭上皆

毛八荒之中有毛人焉長七八尺皆人身生毛頭上皆

人卵產去九 獨錦 長縣 南夷志曰獨錦蠻鳥蠻種

程其族多姓李異牟尋母即獨錦蠻女也 有季負藍貞

元中為大將軍在教弄川為一城使又曰長縣揀鋒二

以物擄起君長使兩女在前各持一物擄之今為南詔

所 三苗 百濮 山海經云三苗國在赤水東神異經

翼不能飛名曰苗民為人饕餮無禮外國曰昔唐以

天下授虞舜有苗之君非之苗之民浮靡入南海是

為三苗氏去九疑三萬三千里 左傳靡人率百濮聚

于選野伐楚釋例曰建寧郡南有濮夷濮夷無君長各

邊塞部 南蠻總敘

以邑落自聚故稱百濮永昌郡傳雲南郡在建寧南二
 十五里治雲南縣亦多夷濮分布山野時寇抄為郡邑
 害郡西南千百里徽外有尾濮尾若龜尾長四五寸欲
 坐輒先穿地以安其尾若龜近設折其尾便死其地並
 西南蒲羅蓋尾濮之地名也郭義恭廣志曰木棉濮土
 有木綿樹多葉又房甚繁房中綿如蠶所其大如拳
 又文面濮其俗剃面以青畫之赤口濮在永昌南其俗
 折其齒耐其唇使赤又露身無衣服或或以貫頭丈夫
 南山居耐其苦其衣服白蹄牛馬犀象武魄金桐花布
 以穀皮布為衣其境出白蹄牛馬犀象武魄金桐花布
 繡脚 雕題 南夷志曰繡脚蠻於蹠上跣下周匝刻
 畫其面及身刻其肌而青 交脛 岐舌 海國 貫胃
 之或若錦衣或若魚鱗 不死東其人 沃國 炎人 又
 東其人交脛岐舌國在 鳳皇鳥之卵是食甘露是飲非其
 舌皆岐外國圖曰交脛民長四尺 沃國 炎人 又
 有沃之國沃民是處鳳皇鳥之卵是食甘露是飲非其
 欲其味皆存也 博物志云炎人之國其親戚死劍肉
 棄之然後埋其 骨乃成孝子

盤瓠種

原杜氏通典曰盤瓠種昔帝嚳時患犬戎入寇乃訪募
 天下有能得犬戎之將軍頭者妻以少女盤瓠銜其將
 軍首而至乃以女配之入南山即五溪止石穴中其後
 滋蔓號曰蠻夷有邑君長名渠帥曰精夫相呼為姨徒
流文曰姨外人也稱姨我也鳥那切長沙黔中五溪蠻皆是也酉溪三巫
 漢興改為武陵郡歲令大人輸布一匹小口二丈是謂
 實布 後漢光武建武二十三年十二月武陵蠻精夫
 相單程等大寇郡縣遣武威將軍劉尚發南郡長沙武

邊塞部

盤瓠種

陵兵萬餘人乘船泝沅水入武溪擊之尚輕敵深入悉為所沒又遣伏波將軍馬援將兵至臨沅擊破之單程等飢因乞降會援病卒謁者宋均為置吏以司之羣蠻遂平 永和初武陵太守上書以蠻夷率服可比漢人增其租賦議者皆以為可尚書令虞詡獨奏曰自古聖王不臣異俗非德不能及威不能加其心貪婪難率以禮是故羈縻而撫綏之附則受而不逆叛則棄而不追先帝舊典貢稅多少所由來久矣今猥增之必有怨叛計其所得不償所費帝不從其冬澧中蠻澧水出今澧陽郡縣漢音婁果攻劫州郡討破之蜀先主章武初吳將李異

屯巫秭歸今巴東郡縣秭音子先主遣將軍吳班攻破之於是武

陵五溪蠻夷相率響應 **增**桂海虞衡志曰徭本盤瓠

之後其地山溪高深介於巴蜀湖廣間縣亘數千里椎髻跣足衣斑斕布褐名為徭而實不供征役各自以遠近為伍兒始生以鐵如其重漬之毒水兒長大鍛其鋼以製刀終身用之戰則一槍一弩相將而前執槍者前却不常以衛弩執弩者口銜刀而手射人徭之屬桂林者興安靈川臨桂義寧古縣諸邑皆迫近山徭最強者曰羅曼徭麻園徭其餘如黃沙甲石嶺屯褒江贈脚黃邨赤水藍思巾江疎江定花冷石白面黃意大利小平

灘頭丹江閃江等徭不可勝數山谷間稻田無幾四出剽掠飄忽往來州縣知則已趕入巢穴分屯路口久成勞費常以山貨沙版滑石之屬竊與民博鹽米若一切閉截無所得食且冒死突出爲毒滋烈宋乾道九年夏遣吏經理之悉罷官軍專用邊民籍分爲五十團使捍小寇不待報官徭犯一團諸團鳴鼓應之次告諭近徭毋得犯法則通其博易之路皆謹然聽命擇果敢吏將桑江歸順五十二徭深入生徭羅曼等洞尤狼戾素不賓化者亦以近徭利害諭之悉從乃爲置博易場二一在義寧一在融州之榮溪天子誕節首領得赴屬縣與

犒宴諸徭大悅伍籍遂定保障隱然萬一遠徭弗率必須先破近徭近徭欲動必須克勝邊團數月諸徭團長表臺等數十詣經略司謁謝悉紫袍巾裏橫挺犒以銀盃綵繩鹽酒又各以誓狀來略云某等旣充山職今當鈐束男姪男行持棒女行把麻任從出入不得生事上以太陽下有地宿其穢背者生兒成驢生女成豬舉家滅絕不得穢面說好背面說惡不得偷寒送煖上山同路下水同船男兒帶刀同一邊一點一齊同殺賊不用此款者並依山例山例者誅殺也遂以上聞詔許之

廩君種

原杜氏通典曰廩君種不知何代初巴氏樊氏暉音審氏

相氏鄭氏五姓皆出於武落鍾離山即今夷陵郡巴山縣其山有

赤黑二穴巴氏之子生於赤穴四姓之子皆生黑穴未

有君長共立巴氏子務相是為廩君從夷水下至鹽陽

按今夷陵郡巴山縣清江水一名夷水廩君於是居平夷城四姓皆臣之

巴梁間諸巴皆是也 **稽**後漢書曰漢興南郡太守靳

疆請一依秦時故事至建武二十三年南郡涪山蠻雷

遷等始反叛寇掠百姓遣武威將軍劉尚將萬餘人討

破之徙其種人七千餘口置江夏界中今沔州蠻是也和帝永元十三年巫蠻許聖等以郡收稅不均懷怨恨

遂屯聚反叛聖等依憑阻隘久不破諸軍乃分道並進或自巴郡魚復數路攻之大破聖等乞降徙置江夏元和三年江夏蠻復反寇患累年廬江太守陸康討破之餘悉降散

廩君種二

稽擲劍浮船後漢書曰巴氏子四姓子共擲劍石穴

乘上船約能浮者為君餘姓悉穴分赤黑石並陰

陽並立見前荆州圖曰夷陵縣西一獨山有石穴二大石

燥廩君為白虎鹽女化飛蟲後漢書曰廩君死魂

鹽水有神女謂廩君曰此地廣大魚鹽所出願留共居廩君不許鹽神暮輒來取宿曰即化為蟲與諸蟲羣飛

邊寒部

廩君種板橋壁

拚敵日光天地晦冥虞君射殺之

板楯蠻

原杜氏通典曰板楯蠻秦昭襄王時有白虎於蜀巴漢之境傷害千餘人昭王乃募有能殺虎者賞邑萬家時有巴郡閬中夷廖仲等射殺白虎昭王以其夷人不欲加封乃刻石盟要復夷人頃田不租十妻不算傷人者論殺人得以賒錢贖死何承天纂文曰賒蠻夷贖罪貨也賒徒臨反盟曰秦犯夷輸黃龍二雙夷犯秦輸清酒一鍾夷人安之漢高帝為漢王發夷人還伐三秦秦地既定乃遣還巴中復其渠帥羅朴督鄂度夕龔七姓不輸租賦餘戶乃歲

入口錢四十巴人呼賦為賓謂之賓人焉世號為板楯蠻夷閬中有渝水其人多居水左右天性勁勇初為漢前鋒數陷陣俗喜歌舞高帝命樂人習之所謂巴渝舞也遂積代服從後漢以後郡守常率以征伐靈帝光和二年巴郡板楯蠻叛靈帝乃問益州計吏方略漢中計程苞對曰板楯七姓以射殺白虎立功先世復為羌人其人勇猛善戰昔安帝永初中羌入漢川郡縣破壞得板楯救之羌死敗殆盡號為神兵桓帝建和二年羌復大入實賴板楯連摧破之前車騎將軍馮緄南征武陵亦倚板楯以成其功近益州郡縣亂太守李顯之亦以

板楯討而平之忠功如此本無惡心但長吏鄉亭更賦至重僕役篳楚過於奴隸含怨呼天叩心窮谷以致叛戾非有謀主僭號以圖不軌今但遣明能牧守自然安集不煩征伐也帝從其言遣太守曹謙宣詔赦之即皆降服 漢末天下亂自巴西之宕渠遷於漢中楊車坂抄掠行旅號為楊車巴魏武克漢中李特祖將五百家歸之魏武又遷於略陽北復號為巴氏 其沔中蠻至晉時共遷陸渾滿於山谷宋時荊州置南蠻校尉雍州置寧蠻校尉以領之如蠻人順附者一户輸穀數斛後周明帝時蠻帥冉令賢向五子王等反攻陷白帝武

帝天和初詔開府陸騰討之斬首萬餘級騰乃積其骸骨於水灘城側為京觀後蠻蠻見者輒大號哭自此狼戾之心輟矣 信州舊理白帝騰更於蜀先主故城南八陣之北臨江岸築城移置信州又以巫縣信陵秣歸並是破中要險於是築城置防以為襟帶焉

板楯蠻二

曾射白虎

輸黃龍

俱見前

牂柯

原杜氏通典曰牂柯渠帥姓謝氏舊臣中國代為本土牧守隋末大亂遂絕唐貞觀中遣使脩職貢勝兵戰士

數萬於是列其地為牂州 **增**文獻通考曰北去充州

一百五十里東至辰州二千四百里南至交州一千五

百里西至昆明九百里土氣鬱熱多霖雨稻粟再熟無

城郭徭役唯征戰時相屯聚刻木為契風俗物產略與

東謝同

東謝

增舊唐書曰東謝蠻其地在黔州之西三百里南接守

宮僚西連夷子北至蠻土宜五穀不以牛耕但為畚田

每歲易俗無文字刻木為契散在山洞間依樹為層巢

而居汲流以飲皆自營生業無賦稅之事謁見貴人皆

執鞭而拜有功勞者以牛馬銅鼓賞之讌聚則擊銅鼓

吹大角歌舞以為樂好帶刀劍丈夫衣服有衫襖大口

袴右肩上斜束皮帶裝以螺殼虎豹猿狖及犬羊皮以

為飾坐必蹲踞男女椎髻以緋束之後垂向下其首領

謝元深世為酋長謝氏一族法不育女自云高姓不可

下嫁故也貞觀三年元深入朝冠烏熊皮以金銀絡額

身披毛帔韋皮行滕而著履中書侍郎顏師古奏言昔

周武王時天下太平遠國入款周史乃書其事為王會

篇今萬國來朝至如此輩章服實可圖寫請撰為王會

圖從之以其地為應州仍拜元深為刺史領黔州都督

府又有南謝首領謝強與西謝鄰俱來朝見為南壽州
 刺史後改為莊州貞元十三年正月西南蕃大酋長繼
 襲蠻州刺史資陽郡公宋鼎左右大首領邛州刺史謝
 汕左右大首領繼襲攝蠻州巴江縣令宋萬傳界首子
 弟大首領牂州錄事參軍謝文經來朝黔中經略招討
 觀察使王礎奏前件刺史建中三年一朝貢自後更不
 許隨例入朝今年懇訴稱州接牂柯同被聲教獨此排
 擯竊自慙恥謹遣隨牂柯等朝貢伏乞特賜優諭兼同
 牂柯刺史授官其牂柯兩州戶口殷盛人力強大鄰側
 諸蕃悉皆敬憚請比兩州每三年一朝貢仍依牂柯輪

環差定并以才幹位望為眾推者充

西趙

增舊唐書曰西趙蠻在東謝之南其界東至夷子西至
 昆明南至西洱河山洞阻深莫知道里南北十八日行
 東西二十三日行其風俗物產與東謝同首領趙氏世
 為其長有戶萬餘貞觀三年遣使入朝二十一年以其
 地置明州以首領趙摩為刺史

南平

增文獻通考曰南平蠻東距智州南屬渝州西接南州
 北涪州戶四千餘多瘴癘山有毒草沙蟲蝮蛇人樓居

邊塞

南平

西趙南平

梯而上名曰干欄婦人橫布二幅穿中貫其首號曰通
繆美髮髻垂於後竹筒三寸斜穿其耳貴者飾以珠璫
俗女多男少婦人任役婚法女先以貨求男其王姓朱
氏號劔荔王又有甯氏世為南平渠帥陳末其帥猛力
為寧越太守陳亡自以與陳叔寶同日而生當代為天
子乃不入朝武德初以寧越鬱林之地降自是交愛諸
州始通其地西南接烏蠻昆明哥蠻大小播州部族數
十居之宋治平中熟夷李光吉梁秀等三族據其地遠
近患之熙寧三年平蕩三族以其地隸涪州建南平軍
以渝州南州涪州隆化隸焉

兖州

增文獻通考曰兖州牂柯別部與牂柯鄰勝兵二萬唐
貞觀中朝貢列其地為兖州開元中牂柯蠻長元齊死
孫嘉藝襲官封其後乃以趙氏為酋長天寶中其裔趙
珍裔有戰功閣羅鳳叛宰相楊國忠授珍裔黔中都督
屢敗南詔護五溪十餘年天下方亂其部獨寧貞元元
和以訖開成朝貢不絕

獠一

原杜氏通典曰獠蓋蠻之別種往代初出自梁益之間
自漢中達於邛笮川谷間所在皆有後魏宣武帝正始

初梁將夏侯道遷舉漢中附魏宣武帝遣尚書邢巒為梁益二州刺史以鎮之其後以梁益二州控攝嶮遠乃立巴州以統諸獠後以巴酋帥嚴始欣為刺史又立隆城鎮所管獠二十萬戶所謂北獠也歲輸租布

獠二

增頭飛

鼻飲

博物志云南方有落頭民其頭能飛以

南溪洞中往往有飛頭者故有飛頭獠子之號志怪云昔朱垣有一婢其頭夜飛王年拾遺記漢武時因拜國南方有解形之民能先使頭飛南海左手飛東海右手飛西海至暮頭還肩兩手遇疾風飄於海外桂海虞衡志曰舊傳獠有飛頭鑿鼻飲白衫花面赤稅之屬二十一種今江西南一帶甚多殆百餘種郎火產翁又曰一邨中指有事力者曰郎火餘但稱火歲首以土杯十二貯水隨辰位布列郎

火禱焉乃集眾往觀若寅有水而卯涸則知正月雨二月旱自以不差南楚新聞南方有獠婦生子便起其夫臥牀禱飲食皆如乳婦稍不衛護其孕婦疾皆生焉又云越俗其妻或誕子經三日便澡身於溪河返具糜以餉婿婿擁衾抱緝坐於寢榻稱為產翁

獠三

增詩宋歐陽修南獠詩曰洪宋區夏廣恢張際四維狂

孽久不聳民物含春熙者稚適所尚游泳光華時遽然攝提歲南獠掠邊陲予因叩邨叟此事曷如斯初似却人問未語先涕垂收涕謝客問為客陳始基撫水有上源水淺山嶮巖生民三千室聚此天一涯很勇復輕脫性若鹿與麋男夫不耕鑿刀兵動相隨宜融兩境上殺

人取其貲因斯久久來此寇易爲羈鼠竊及蟻聚近裏
焉敢窺勢亦不久住官軍來即馳景德祥符後時移事
亦移四輔哲且善天子仁又慈將軍稱招安兵非羽林
兒龍江一牧拙邏騎材亦非威惠不兼深徒以官力欺
智略仍復短從此難羈縻引兵卸甲嶺部陣自參差鋒
鏑殊未接士卒心先離奔走六吏死明知國挫威自茲
賊聲震直寇融州涪縣宇及民廬燬蕩無子遺利鏃淬
諸毒中膚無藥醫長刀斷人股橫尸滿路達婦人及孳
產驅負足始歸堂堂過城戍何人敢正窺外計削秦疏
一一聞宸闈赫爾始斯怒選將與王師精甲二萬餘猛

擬如虎貌劔戟凜秋霜新榮閃朝曦八營與七萃豈得
多於茲外統三路進小敵胡能爲前驅已壓境後軍猶
未知透迤至蠻域但見空稻畦搜羅一月餘不戰師自
罷荷戈莫言苦負糧深可悲哀哉都督郵無辜遭屠糜
噍咋計不出還出招安辭半降半來拒蠻意猶狐疑厚
以繒錦贈狙心詐爲卑戎帳草草起賊戈躡背揮不聆
老叟言不覺鬪雙眉吮毫兼疊簡占作南獠詩願值采
詩官一敷於彤墀

夜郎國一

杜氏通典曰夜郎國漢時西南夷君長蜀郡徼外東

接交趾西鄰滇國其國鄰牂柯江漢武帝時唐蒙上書
曰竊聞夜郎精兵可得十餘萬浮船牂柯江出不意此
制南越奇兵也乃拜蒙為郎中遂見夜郎侯蒙厚賜諭
以威德夜郎貪漢繒帛以為漢道險終不能有也且聽
蒙約還報乃以為犍為郡發巴蜀卒理道自焚道指牂
柯江蜀人司馬相如亦言西夷邛笮可置郡帝使相如
往諭皆如南夷為置一都尉十餘縣屬蜀郡 元狩元
年張騫言使大夏時見蜀布邛竹杖問所從來曰從東
南身毒國即天竺也可數千里得蜀賈人市或聞邛西可二
千里有身毒國於是乃令王然于間出西南夷往身毒

國至滇道皆為昆明所閉莫能通身毒及南越反上使
發南夷兵且蘭君小邑乃與其眾反漢發巴蜀校尉擊
破之遂平南夷為牂柯郡夜郎侯始倚南越越滅恐懼
遂入朝封為夜郎王 成帝河平中夜郎王興與鈞町
王禹漏臥侯俞漏臥夷邑名後為孫焉漢牂柯更舉兵相攻牂柯太守
請發兵誅興等漢以道遠不可擊遣太中大夫張匡持
節和解並不從杜欽說王鳳曰張匡和解蠻夷王侯王
侯不從不憚國威其效可見恐議者選更復守和解太
守察動靜有變迺以聞如此則復曠一時王侯得收獵
其眾申固其謀黨助眾多各不勝忿必相殄滅自知罪

成狂犯守尉遠藏溫暑毒草之地雖有孫吳之將賁育之士若入水火往必焦沒智勇俱亡所設施屯田守備之費不可勝量宜因其罪惡未成未疑國家加誅陰救旁郡守尉練士馬選任職太守往以秋涼時入誅其王侯尤不軌者即以爲不毛之地亡用之人聖主不以勞中國宜罷郡放棄其人絕其王侯勿復與通如以先帝所立累代之功不可墮壞亦宜因其萌芽早斷絕之及已成形然後師興則萬姓被害矣鳳於是薦陳立爲牂柯太守至牂柯乃從吏數十人出行縣召興興將數千人往立數責因斷興頭出曉其衆皆釋兵降

舊唐

書曰公孫述時大姓龍傅尹董氏與郡功曹謝暹保境爲漢乃遣使從番禺江奉貢光武嘉之並加褒賞桓帝時郡人尹珍乃從汝南許慎應奉受經書圖緯學成還鄉里教授於是南越始有學焉 文獻通考曰唐置費珍莊琰播郎牂夷等州 宋太平興國五年蕃王龍瓊琚遣其子并諸州蠻以方物名馬來貢太宗召見其使詢以地理風俗譯對曰地去宜州陸行四十五日土宜五穀多種杭稻以木弩射麀鹿充食每二三百戶爲一州州有長殺人者不償死出家以贖國有居有城郭無壁壘官府惟短垣上因令作本國歌舞一人吹瓢笙如

蚊蚋聲良久數十輩連被宛轉而舞以足頓地為節詢其曲則名曰水曲其使十數輩從者千餘人皆蓬髮面目黧黑狀如猿猴使者衣虎皮氈裘以虎尾插首為飾故事蠻夷入貢雖交趾于闐之屬皆御前殿見之獨此諸蕃見於後殿蓋卑之也部族數十獨龍方張石羅五姓最著號五姓蠻其後又有程氏韋氏皆比附五姓故號西南七蕃云

夜郎國二

增五姓

三部

上見前 華陽國志曰夜郎縣郡治有豚水通廣鬱林有竹王三郎祠其靈響

滇一

原杜氏通典曰滇者漢時在夜郎之西靡莫之屬滇最

大靡莫西南徼外蠻也滇音顯始楚頃襄王使將軍莊躋躋即莊王

將兵循江上略巴黔以西躋至滇池方三百里其澤在西北水

源深廣未更淺狹如倒流故曰滇池旁平地肥饒數千里以兵威定屬楚

欲歸報會秦擊楚巴黔中郡道塞不通因西以其眾王

滇變服從其俗以長之 後漢初遣使朝謁建武十八

年夷渠帥棟蠡與姑復葉榆楨連然滇池建伶昆明

諸種反叛殺長吏遣武威將軍劉尚等發廣漢犍為蜀

人及朱提夷擊之尚軍遂渡瀘水瀘水一名若水流牛徽外經朱提至焚道

入羣夷聞大兵至皆棄壘奔走尚獲其羸弱穀畜斬棟

邊塞部

滇

滇

滇

蠶師凡首虜萬餘人諸夷悉平 蜀後主建興二年諸葛孔明率眾南征四郡平之改益州郡為建寧分建寧永昌為雲南郡又分建寧牂柯為興古郡亮至南中所戰皆捷孟獲者為夷漢所服募生致之既得使觀於營陣之間問曰此軍何如獲曰不知虛實故敗定易勝耳亮縱使更戰七縱七擒而亮猶遣獲獲不去曰公天威也南人不復反矣遂至滇池南中平皆即其渠率而用之或以諫亮亮曰若留外人即留兵兵留即無食一不易也夷新傷破父兄死喪留外人而無兵者必成禍患二不易也又吏累有廢殺之罪自嫌釁重若留外人終

不相信三不易也今吾欲使汝不留兵不聚糧而綱紀粗定夷漢相安故耳 **增**明紀曰亮南征雍閬斬之封其渠龍祐那為部長賜姓張氏漸去山林徙居平地建城邑務農桑諸部於是始有姓氏隋開皇中為史萬歲所破唐武德貞觀間張氏弱遜位蒙氏號南詔

滇二

增種類非一 習俗不同 明一統志曰雲南諸夷種類有黑白二種曰麼些曰禿老曰夢門曰蒲人曰和泥蠻曰百夷又有小百夷曰土獠曰羅羅曰撒摩都曰摩察蠻曰魁羅蠻曰傳尋蠻其習俗各不相同

滇三

邊寨部 滇

增詩明楊慎滇海曲曰碧雞金馬古梁州銅柱鐵橋天際頭試問平滇功第一逢人惟說潁川侯化城樓閣壯人寰澤國封疆鎮兩關雲氣開成銀色界天工斲出點蒼山沙金海貝出西荒桃竹種花貢上方香象渡河來佛子白狼槃木拜夷王碣房草閣瞰夷庭側島懸崖控絕陁雞足已窮章亥步鷺頭空入梵王經湖蕩魚鰕晨積場市橋燈火夜交光油窗洞戶吳商肆羅帕封頤熨婦妝蘋香波暖泛雲津漁樵歌曲水濱天氣常如二三月花枝不耐四時春煮海鹽郎暝漉沙避風估客夜乘槎雪浮杭稻壓春酒霞嚼檳榔呼早

茶 海濱龍沛趁春畚江曲魚邨弄晚霞孔雀行穿鸚鵡樹錦鶯飛啄杜鵑花

邛都一

杜氏通典曰邛都漢時自滇以北君長十數邛都最大其外西曰桐師以東北至葉榆名爲雋昆明今越常其土地平原有稻田俗多遊蕩善謳歌略與牂柯類

邛都二

增溫泉 惡水 華陽國志云邛都縣山出銅有溫泉穴冬夏熱其溫可罾雞豚餘多惡水水神護之不可汚穢及沈亂 魚戴釜游 蛇將木贈 南中

增

邛都

邛都

三

志云邛河縱橫二十里深百餘丈多大魚長一二丈頭
特大遙視如戴鐵釜狀李膺益州記云邛都縣一老
姥家貧孤獨每食輒有小蛇在牀間姥憐之餵之後長
丈餘令有駿馬蛇吸殺之令遷怒姥蛇為姥報仇每夜
輒聞若風若雷方四十里與城一宿風靜水清猶見城
郭樓櫓土人汲水取得舊木
堅貞老黑如漆以為蛇贈

笮都

原杜氏通典曰笮都者漢時自越雋以東北君長以十
數徙徙漢為縣笮都最大武帝開以為笮都縣 天漢
四年并蜀為西部置兩都尉一居旄牛主徼外夷一居
青衣主漢人 後漢明帝永平中益州刺史朱輔慷慨
有大略宣示漢德威懷遠夷自汶山以西前代不至正

朔所不加白狼繫木唐菽等百有餘國戶百三十餘萬
舉種奉貢稱為臣僕 和帝永光十二年旄牛徼外白
狼樓薄蠻夷王唐增等遂率種十七萬戶口內屬

冉駝

原杜氏通典曰冉駝其俗土著或隨畜遷徙在蜀西漢
武帝元鼎六年以為汶山郡宣帝地節三年夷人以立
郡賦重帝乃省并蜀郡為北部都尉其山有六夷七羌
九氏各有部落 **文獻通考**曰後漢靈帝時復分蜀
郡北部為汶山郡蜀後主建興十年汶山平康夷反姜
維討破之

哀牢

源杜氏通典曰哀牢後漢時通焉其先有婦人名沙壹居於牢山嘗捕魚水中觸沈木若有感因懷妊十月產男子後沈木化為龍出水男背龍而坐因舐其男之背其母烏語謂背為九謂坐為隆因名曰九隆種人皆刻畫其身象龍文衣皆著尾 永昌太守鄭純為政清潔化行夷人與哀牢夷人約邑豪歲輸布貫頭衣二領鹽一斛為常賦夷俗安之 唐麟德元年五月於昆明之栢棟川置姚州都督府每年差兵募五百人鎮守武后神功二年蜀州刺史張柬之上表曰姚州者古哀牢之

舊國本不與中國交通前漢唐蒙開夜郎滇筰而哀牢不附至光武季年始請內屬漢置永昌郡以統理之稅其鹽布氈罽以利中土其國西通大秦南通交趾奇珍進貢歲時不闕及諸葛亮五月渡瀘收其金銀鹽布以益軍儲使張伯岐選其勁卒以增武備前代置郡其利頗深今鹽布之稅不供珍奇之貢不入而空竭府庫驅率平人受役夷蠻肝腦塗地漢以得利既多歷博南山涉蘭倉水更置博南哀牢二縣蜀人愁怨行者作歌蓋漢得其利人且怨歌今於國家無絲髮之利在百姓受終身之酷

哀牢二

神鹿兩頭

猩猩對泣

後漢書云雲南縣有神鹿兩頭能食毒草南中志曰程

程在山谷中百數為羣土人以酒若糟設於路又喜羶子土人結草為羶數十輛相連結程在山谷見酒及羶即知張者先祖名字乃呼罵云奴欲張我舍之而去而還相呼試共嘗酒初嘗少許又取羶子著之若進兩三升便大醉人出收之羶子相連不得去執還內牢中人欲取者到牢語云羶程汝可自相推肥者出之既擇肥羶相對而飲即左思錦織蘭干之紵布績賦云羶程啼而就禽者也

桐木之華

後漢書云蘭干細布織成文章如綾錦有松桐木之華

云華陽圖志曰蘭干猿言紵也

哀牢三

增詩漢行者歌曰漢德廣開不賓度博南越蘭津度蘭

倉為他人 元表桷哀牢夷曰哀牢夷蒼山疊翠雲無

梯洱河西傾去無底晴日倒射紅琉璃相傳沈木兒背

坐曾邀嬉築城蜿蜒似龍尾千古顛君乃其始縛繩駕

長橋皮船中蕩搖危顛石樓高百尺子孫生長令漁樵

空林明月手可拾仰飲飛流鬚髮濕寒藤脊徑側足行

飢猿兒啼鼠人立慘澹虛無間鳥道開人寰峨眉東望

止一髮參旗玉井閃閃上下隨躋攀君不聞木皮岡前

九折坂客行何為車欲返又不聞青溪關上三碣城纍

纍戰骨耕未平輕家許國要有道矍鑠是翁誇不老張

公子當有行繡衣青春照瓊英跨紫燕辭天京朝餐五

粒之松子莫食側生紅入齒從來蠻客尊漢官但飲亡
何端有理南飛雁足何憧憧不能與日隨西東相思望
君日西下去天一握疑有雲氣時相通

六詔一南詔 蒙 施 越 浪
暹 浪 祈 亨
詔 詔 詔 詔

增新唐書曰南詔蠻本烏蠻別種姓蒙氏蠻謂王為詔
自言哀牢之後代居蒙舍州為渠帥在漢永昌故郡東
姚州之西其先渠帥有六自號六詔兵力相埒各有君
長無統帥蜀時為諸葛亮所征皆臣服之開元初皮邏
閣立二十六年詔封越國公賜名歸義其後破洱河蠻
以功策授雲南王劔南節度使王昱受歸義賂奏六詔

合為一詔 歸義既并五詔服羣蠻破吐蕃之衆兵日
驕大每入覲朝廷亦加禮異歸義卒詔立子閣羅鳳襲
雲南王閣羅鳳北臣吐蕃吐蕃令閣羅鳳為贊普鍾號
曰東帝給以金印蠻謂弟為鍾閣羅鳳子鳳迦異前死
閣羅鳳立迦異子是為異牟尋頗知書有才智善撫其
衆吐蕃役賦南蠻重數又奪諸蠻險地立城堡歲徵兵
以助鎮防牟尋厭苦之有鄭回者授雋州西瀘縣令雋
州陷為所掠閣羅鳳以回有儒學更名曰蠻利甚愛重
之命教鳳迦異及異牟尋立又令教其子尋夢湊回久
為蠻師凡授學雖牟尋夢湊回得箠故牟尋以下皆

蠻師

回得箠故牟尋以下皆

六詔

嚴憚之蠻謂相為清平官凡置六人牟尋以回為清平
官事皆咨之回嘗言於牟尋曰自昔南詔嘗款附中國
中國尚禮義以惠養為務無所求取今棄蕃歸唐無遠
戍之勞重稅之困利莫大焉牟尋善其言謀內附者十
餘年矣會劍南西川節度使韋臯招撫諸蠻牟尋乃與
酋長定計凡三輩致書於韋臯各齎生金丹砂為贄三
分前韋臯所與牟尋書各持其一為信歲中三使皆至
京師且曰牟尋請歸大國永為藩國所獻生金以喻北
向之意如金也丹砂示其赤心耳上嘉之乃賜牟尋詔
書因命韋臯遣使以觀其情臯遂命巡官崔佐時往是

時也吐蕃使數百人先佐時在南詔牟尋悉召諸種落
與議歸化或未畢至未敢公言密令佐時稱牂柯使衣
以牂柯服而入佐時不肯曰我大唐使安得服小夷之
服牟尋不得已乃夜迎佐時設位陳燈燭佐時乃大宣
詔書牟尋恐吐蕃知領左右失色而業已歸唐久矣獻
欵流涕皆俯伏受命牟尋乃去吐蕃所立帝號私於佐
時請復南詔舊名佐時與盟訖而歸初吐蕃因爭北庭
與迴鶻大戰死傷頗眾乃徵兵於牟尋牟尋既定計欲
因徵兵襲之乃示寡弱謂吐蕃曰蠻軍素少僅可發三
千人吐蕃少之請益至五千乃許牟尋遽遣兵五千人

戎吐蕃自將數萬踵其後晝夜兼行乘其無備大破吐蕃於神川遂斷鐵橋遣使告捷以祠部郎中兼御史中丞袁滋持節冊南詔仍賜牟尋印鑄用黃金以銀爲窠文曰貞元冊南詔印 蒙雋詔最大其王雋輔首死無子弟佉陽照立佉陽照死子照原立照原子原羅質南詔歸義欲并國使人殺照原逐原羅遂有其地 越析詔或謂磨些詔居故越析州西距曩蔥山一日行貞元中豪酋張尋求殺其王波衝劔南節度使召尋求至姚州殺之部落無長以地歸南詔波衝兄子于贈持王所寶鐸鞘東北渡瀘邑於龍佉河纔百里號雙舍閣羅鳳

往擊之于贈投瀘死得鐸鞘故王出軍必雙執之 浪亨詔其王鐸羅望爲浪亨州刺史與南詔戰不勝挈其部保劔川更稱劔浪貞元中南詔擊破劔川徙永昌凡浪亨澄睽施浪總謂之浪人亦稱三浪 澄睽詔其王豐咩初據澄睽爲御史李知古所殺子咩羅皮自爲澄川州刺史治大釐城歸義襲敗之後入澄睽與浪亨施浪合拒歸義既戰大敗歸義奪澄睽咩羅皮走保野共川死顛文託立南詔破劔川徙之永昌 施浪詔其王施望久居矣苴和城有施各皮者亦八詔之裔據石和城閣羅鳳攻破之而施望久孤立故與咩羅皮合攻歸

洪鑑類編卷二百三十一
義不勝施望欠以族走永昌獻其女遺南詔句和歸義
許之渡蘭江死弟望千走吐蕃立爲詔納之劍川衆數
萬望千死子千傍羅顛立南詔破劍川千傍羅顛走瀘
北三浪悉滅唯千傍羅顛及矣川羅識子孫在吐蕃
續文獻通考曰雲南大理即南詔自蒙氏細奴羅至舜
化貞十有三世立三百十年而爲鄭買嗣號曰大長和
鄭氏三傳歷年二十有六而爲趙氏趙氏名善政清平
楊于貞滅鄭氏拔善政而立之僅十月于貞又奪之而
爲楊氏改國號曰大義寧通海節度使段思平興師問
罪楊氏立僅二年而段氏興焉思平生有異兆楊于貞

忌之使人索捕思平逃匿借兵東方黑爨三十七部皆
從之既逐楊氏而有蒙國改號大理時後晉天福二年
也宋太祖時王全斌旣平蜀欲乘兵威取滇以圖進於
上太祖鑒唐之禍基於南詔以玉斧畫大渡河曰此外
非吾有也由是雲南三百年不通中國皇祐中廣西儂
智高掠廣州敗走大理狄青募死士往求之會智高死
於大理函其首至京師段氏至是始聞於中國傳至連
義爲其臣楊義貞所篡段氏臣高昇太起東方兵討滅
之而立段壽輝傳子正明元豐五年立避位爲僧時國
人皆歸心高氏遂奉高昇太爲主改國號曰大中臨終

屬其子太明曰段氏不振國人推我不得已從之今其子已長可還其故物爾後人勿效尤也太明遵其遺言求段氏餘子正淳立之而段氏復興號曰後理國高氏世相之人稱為高國主正淳復國以高太明為相太連為柵主遣太連朝宋求經籍得六十九家傳至興智以元憲宗元年立壬子忽必烈將兵擊之分為三道進薄大理興智及高太祥拒戰大敗興智奔善闡太祥就禽不屈斬於五華樓下時白日當午忽雲起雷震世祖異之曰忠臣也遂虜興智滅其國段氏自思平至興智二十主歷三百五十年元既滅段氏而有其地得五城

八府蠻郡三十有七設大理府仍錄段氏子孫世守其土赦興智封為摩訶羅嗟管領八方元季亂段氏復據之於是有十一總管出焉八代段光元大德中梁王以宗室鎮善闡與段氏分域構隙至大二年梁王大破光兵光將高蓬守羅那關梁王密詔不從乃賂蓬庖人刺之至至正十二年九代總管段功既立明玉珍自楚入蜀分兵四掠號曰紅巾玉珍自將紅巾三萬攻雲南梁王及憲司官皆奔威楚諸部悉亂功進兵至呂閣敗紅巾於關灘江殺獲千計又大破之於回磴關梁王德功之助乃奏授雲南平章妻以女阿蓋主功戀戀不肯歸

其夫人高氏寄樂府促之歸尋復至善闡梁人私語梁
王曰段平章復來有吞金馬咽碧雞之心矣蓋早圖之
梁王乃密召阿蓋付以孔雀膽一具令乘便毒之主潛
然不受命因私語平章曰我父忌阿奴願與阿奴西歸
因出毒具示之三諫終不聽明日邀功東寺演梵王通
濟橋馬逸因令番將格殺之阿蓋主聞變失聲哭曰昨
暝燭下纔講與阿奴雲南施宗施秀煙花隕身今日果
然阿奴雖死奴不負信黃泉也欲自盡梁王防衛萬方
主愁憤作詩從官楊淵海亦題詩粉壁飲藥而卒梁王
見詩痛悼乃厚卹之令隨平章葬大理段寶功之子

明玉珍復侵善闡梁王遣使借兵大理時寶已長答書
云殺虎子而還餒其虎母分狙粟而自詐其狙公假途
滅虢獻璧吞虞金印玉書乃為釣魚之香餌繡閣淑女
自設掩雉之網羅况平章既亡弟兄罄絕今止遣一葵
一奴奴再贅華黎氏葵又可配阿蓋妃如此事諾我必
借大兵如其不可待金馬山換作點蒼山昆明池改作
西洱河時來矣書後附以詩梁王見之恨寶入骨平章
女僧奴志恒不忘復仇將適建昌阿黎氏出手刺繡文
旗以屬寶曰我自束髮聞母稱父冤恨非男子不能報
此旗所以識也今歸夫家收合東兵飛檄西洱汝急應

兵會善關又作詩二章後寶聞明太祖開基金陵遣其
叔段真自會川入京奉表歸款悉屬版章因改大理路
為大理府比於中州列郡

六詔二

增山川備五嶽四瀆之稱 官爵列九爽三託之號

獻通考曰以國界內點蒼山為中嶽東州界江雲露松
外龍山為東嶽在今錄勸州一名縉雲山一名雲龍
山有十二峰皆峭拔其山有名鳥穴銀生部日界蒙落
山為南嶽在今者樂甸又名無量山其山千仞有一殿
搖柱自空中來天帝取天以處永昌騰越界高黎共山
為西嶽在今騰衝一名崑崙山東臨濃江西臨龍川左
右有平川名為穹甸草卉四時不凋瘴氣最惡冬雪至
春方融夏秋穹甸炎威商賈愁怨曰冬時欲歸來高
黎共上雪秋夏欲歸來無奈穹甸熱春時欲歸來囊中
肯糧絕麗江界玉龍山為北嶽在今麗江一名簪雪山

其山九峰雪貫四時玉萬仞千里望之若在咫尺與
蜀松州諸山相接以黑惠江瀾滄江路江麗江為四瀆
九爽三託 摘桃剖青昔之文 徵夢凌夫天之兆
楊子貞使人索捕思平逃匿飢摘野桃剖之核膚有文
曰昔昔思平拆之曰青乃十二月昔乃廿一日今楊氏
政亂吾當以是日舉義乎遂借兵東方黑巖松巖三十
七部皆助之衆至河尾是夕思平夢人斬其首又夢玉
餅耳破又夢鏡破懼不敢進兵其軍師董加羅曰三夢
皆吉兆也公為大夫夫去首為天子兆也玉餅去耳
為王兆也公為大夫夫去首為天子兆也玉餅去耳
則無敵矣思平乃凌明引兵逐楊氏而有蒙國遂改
大理號曰

六詔三

增樂府元大理夫人高氏寄夫詞曰風卷殘雲九宵冉
冉逐龍池無偶水雲一片綠寂寞倚屏幃春雨紛紛促

邊東部 六詔

蜀錦半牀閒鴛鴦獨自宿好語我將軍只恐樂極生悲
冤鬼哭

增詩玉谿編事曰南詔以十二月十六日謂之星回節

日遊於避風臺命清平官賦詩驃信詩曰避風善闡臺

極目見藤越鄰國之名也悲哉古與今依然煙與月自我居

震曰謂天子為震曰翊衛類夔契伊昔今皇運艱難仰忠烈不

覺歲云暮感極星回節元昶謂朕曰昶謂卿曰昶同一心子孫堪

貽厥清平官趙叔達曰謂清平官法駕避星回波羅

毘勇猜波羅虎也毘勇野馬也驃信昔年幸此曾射野馬并虎河關水難合地暖

梅先開下令俚柔洽俚柔百姓也獻琛弄棟國名來願將不才

質千載侍遊亭續文獻通考曰阿蓋主愁憤詩曰吾

家住在雁門深一片閒雲到滇海心懸明月照青天青

天不語今三載欲隨明月到蒼山誤我一生蹋裏彩錦名

吐嚕吐嚕段阿奴吐嚕可借也施宗施秀同好歹歹不好也雲

片波漣不見人押不蘆花顏色改押不蘆乃北方好草名肉屏

獨坐細思量切屏緊駝背也西山鐵立霜瀟灑鐵立松林也平章

從官員外楊淵海詩曰半紙功名百戰身不堪今日總

紅塵死生自古皆由命禍福于今豈怨人蝴蝶夢殘滇

海月杜鵑啼破點蒼春哀憐永設雲南土錦酒休教灑

淚頻平章女僧奴詩曰珊瑚勾我出香閨滿目潸然

邊集部

六詔

淚濕衣冰鑑銀臺前長大金枝玉葉不芳菲烏飛兔走
頻來往桂馥梅馨不暫移惆悵同胞未忍別應知銜恨
點蒼低 又曰何彼穠穠花自紅歸車獨別汨江東鴻
臺燕苑難經目風刺霜刀易塞曾雲舊山高連水遠月
新春疊與秋重淚珠恰似通宵雨千里關河幾處逢

苗一

增續文獻通考曰苗古三苗之裔也自長沙沅辰以南
盡夜郎之境多有之與民夷混雜通曰南蠻其種甚夥
散處山間聚而成邨曰寨其人有名無姓有族屬無君
長近省界為熟苗輸租服役稍同良家至年則官司籍

其戶口息耗登於天府不與是籍者謂之生苗生苗多
而熟苗寡其俗各以其黨自相沿襲大抵慳吝猜禍睚
眦之隙遂至殺人被殺之家舉族為讐必報當而後已
否則親戚亦助之即抗到不悔諺云苗家讐九世休言
其不可遽解也其在金筑者有克孟牯羊二種擇懸崖
鑿竅而居不設茵席構竹梯上下高者百仞耕不輓犁
以錢鋪發土糞而不耘男女躡坐而偶免乳而歸其聘
財在獨山為九名九姓苗狙詐而饕諛以元日為把忌
閉門不出二七而解犯之者以為不祥在平樂為紫姜
苗嗜殺尤甚得仇人即生啗其肉夫死其妻嫁而後葬

昆州曲輒晉寧喻獻安寧距龍和城謂之西爨白蠻自
彌鹿升麻二川南至步頭謂之東爨烏蠻土多駿馬犀
象明珠爨瓚子震阮隋開皇初遣使朝貢命韋世沖以
兵戍之置恭州協州昆州未幾叛史萬歲擊之唐高祖
即位以其子弘達為昆州刺史太宗遣將擊西爨開青
蛉弄棟為縣弘達死以爨歸王為南寧州都督襲殺東
爨首領蓋聘有兩爨大鬼主崇道者與弟日進居安寧
城左俄而崇道殺日進及歸王於是諸爨亂崇道俄亦
被殺諸爨稍離弱閣羅鳳以兵脅西爨徙戶二十餘萬
於永昌城東爨以言語不通各散依林谷得不徙自曲

靖州至龍和皆殘於兵日進等子孫居永昌城烏蠻種
復振徙居西爨故地與絳州為鄰

西爨 東爨二

增烏白蠻 東西爨 並見

昆彌國一

原杜氏通典曰昆彌國一曰昆明西南夷也在爨之西
洱河為界即葉榆河其俗略同突厥相傳與匈奴本兄
弟國也 **考**文獻通考曰漢武帝得其地入益州部其
後復絕諸葛亮定南中亦所不至武德四年雋治中吉
弘使南寧因至其國諭之遣使朝貢貞觀十九年方武

邊表部

增烏白蠻

昆彌國

洪錄卷一百三十三
侯將軍梁建方討蠻降其部落七十二戶九千三百咸
亨三年昆明十四姓率戶二萬內附析其地為殷州總
州敦州以安輯之殷州居戎州西北總州居西南敦州
居南遠不過五百餘里近三百里其後又置盤麻等四
十一州皆以首領為刺史

昆彌國二

增郡開越雋 池號昆明 漢書雋昆明師古曰雋即今
之雋州也昆明又在其西南
即今之南寧州諸蠻所居是其地也地理志云越雋郡
武帝元鼎六年開又漢書云初漢欲求身毒國為昆明
夷所閉昆明有滇池方三百里曰滇 好桑蠶 宜黍
稷 永昌郡傳曰越雋郡在律寧西北千七百里沿江都
縣自建寧高山相連至川中平地東南西北八千餘

特好桑蠶宜
黍稷

緬一

增續文獻通考曰緬國為西南夷不知何種其地接大
理去成都不遠東至木邦南至南海西至夏里北至隴
川有江頭太公馬來安正國蒲甘緬王五城元世祖至
元十九年擊緬至二十年克江頭太公二城西南夷十
二部俱降大德元年封的立普哇拿阿迪提牙為緬國
王賜之銀印子信合八的為緬國世子錫以虎符戒邊
將毋擅興兵甲後于蒲甘緬王城置邦牙等處宣慰使
司明洪武二十九年始歸附立緬甸軍民宣慰使等司

邊塞部

緬甸

附國

緬二

樹頭取酒

石縫出油

明一統志云樹頭椶高五六丈結實大如掌土人納麩罐

中以索懸罐於實下剖其實流汁以為酒名曰樹頭酒或不用麩惟取汁熬為白糖其葉即須葉寫緬書用之石油自石縫流出臭惡而色黑可搽毒瘡

附國

增文獻通考曰附國隋代通焉在蜀郡西北二千餘里即漢之西夷也有嘉良夷即其東部所居種自相率領不能統一土俗與附國同言語少殊其人並無姓氏其地南北八百里東西四千五百里土高燥氣候涼多風少雨山出金銀多白雉水有嘉魚大業四年其王遣子

弟宜林率嘉良夷六十人朝貢嘉良有水闊六七十丈附國水闊百餘丈並南流用皮為舟而濟附國南有薄緣夷風俗亦同有女國其水東北連山縣數千里接党項及諸羌

淵鑑類函卷二百三十二

邊塞部

附國

附國

女子徵側反略有六十餘城伏波將軍馬援討平之桓
靈以後蠻獠又據象郡象林縣遂為林邑國矣其餘郡
縣歷代雖時有反亂州郡兵旋平定之極南之人雕題
交趾其俗男女同川而浴題額也雕謂刻其肌以丹青
理之交趾謂足大指開闢並
立相其西有噉人國生首子輒解而食之謂之宜弟味
旨則以遺其君君喜而賞其父娶妻妾美則讓其兄烏
許人是也交趾之南有越裳國周公居攝六年天下和
平越裳以重譯而獻白雉周德既衰於是稍絕及楚子
稱霸朝貢百越秦始皇平天下開嶺外置南海桂林象
郡至胡亥時南海尉任嚶病且死召南海龍川令真定

人趙佗語曰中國擾亂未知所安番禺負山險阻南北
東西數千里可以為國郡中長吏無足與言故召公告
之即被佗書行南海尉事被如嚶死佗即絕秦所開新
道聚兵自守秦已滅佗即擊并桂林象郡自立為南越
武王漢已定天下為中國勞苦故釋佗不誅遣陸賈立
佗為南越王高后時佗乃自稱為南越武帝發兵攻長
沙邊邑敗數縣而去以兵威財物賂遺閩越西甌駱越
役屬焉東西萬餘里南北數千里及孝文帝初立鎮撫
天下乃為佗親冢在真定置守邑歲時奉祠召其從昆
季尊官厚賜寵之詔陸賈使往諭之賈至南越王上書

通鑑類函

卷二百三十一

五嶺蠻總敘

謝願為蕃臣奉職貢至武帝建元四年佗孫胡時閩越王郢興兵擊南越邊胡使人上書曰兩越俱為蕃臣臣無得擅興兵相攻擊今東越擅侵臣臣不敢興兵惟天子詔之於是天子多南越義守職約為遣兩將軍往討閩越淮南王安上書諫曰夫越方外之地勸髮文身之人也越人勸髮古翦字也勸與翦同不可以冠帶之國法度理也自三代之盛胡越不與受正朔非強不能服威不能制也以為不居之地不牧之人不足以煩中國也自漢初定以來七十二年吳越人相攻擊者不可勝數然天子未嘗舉兵而入其地也臣聞越非有城郭邑里也處谿谷之

間篁竹之中習於水鬪便於用舟地深昧而多水險中國之人不知其勢阻而入其地雖百不當其一得其地不可郡縣攻之不可暴取也以地圖察其山川要塞相去不過數寸之間而數百千里阻險林叢弗能盡著視之若易行之甚難今自攻擊而陛下以兵救之是反以中國而勞蠻夷也且越人愚戇輕薄負約反覆其不用天子之法度非一日一不奉詔舉兵誅之臣恐此後兵革無時得息也臣聞道路言越閩王弟甲弒而殺之甲閩王弟之名甲以誅死其人未有所屬陛下若欲來內處之中國使重臣臨存以招致之此必攜老扶幼以歸聖德

若陛下無所用之則繼其絕世存其亡國建其王侯此必委質為藩臣代供貢職陛下以方寸之印丈二之組不勞一卒不頓一戟頓音鈍而威德並行帝不從兵未踰嶺閩越王弟餘善殺郢以降於是罷兵後至孫興立其母太后本中國人勸王及幸臣上書請比內諸侯三歲一朝其相呂嘉不欲遂反攻殺太后盡殺漢使者立胡長男建德為王發兵守要害處於是令越人及江淮以南樓船十萬師往討之元鼎五年秋衛尉路博德為伏波將軍自桂陽下匯水主爵都尉楊僕為樓船將軍出章郡下橫浦故歸義越侯二人故越人降為侯為戈船下瀨將

軍

瀨水流沙上也伍子胥有戈船以載干戈因謂之戈船

出零陵或下離水或抵

蒼梧使馳義侯

越人名遣

因巴蜀罪人發夜郎兵下牂柯江

咸會番禺元鼎六年冬樓船將軍將精兵先陷尋陬破石門得越船粟因推而前挫越鋒伏波將軍將罪人道遠後期與樓船會乃有千餘人遂俱進樓船居前至番禺建德嘉皆城守樓船自擇便處居東南面伏波居西北面會暮樓船攻敗越人縱火燒城越素聞伏波暮不知其兵多少伏波乃遣使招降者賜印綬復縱令相招樓船力攻燒敵反驅而入伏波營中遲明城中皆降伏波呂嘉建德以夜與其屬數百人亡入海伏波遣人追

以故其校司馬蘇弘得建德越郎都稽越中所署郎得嘉戈

船下瀨將軍兵及馳義侯所發夜郎兵未下南越已平

遂以其地為儋耳珠崖南海蒼梧鬱林合浦交趾九真

日南九郡交趾則今安南也置交趾刺史領之自佗王後凡五

世九十三歲而亡珠崖儋耳二郡在海洲上東西千里

南北五百里武帝末珠崖太守會稽孫幸調廣幅布獻

之蠻不堪役遂攻郡殺幸幸子豹合率善人還復破之

自領郡事討擊餘黨連年乃平豹遣使封還印綬上書

言狀制詔即以豹為珠崖太守威政大行獻命歲至中

國貪其珍賂漸相侵侮故率數歲一反元帝初珠崖數

反賈誼孫捐之上書請不擊遂罷之凡二郡六十五城

凡交趾所統雖置郡縣而言語各異重譯乃通人如禽

獸長幼無別項髮徒跣為髮於項上以布貫頭而著之後徙

中國罪人使雜居其間乃稍知言語漸見禮化光武中

興錫光為交趾任延守九真於是教其耕稼制為冠履

初設法令始知姻娶建立學校導之禮義建武十六年

交趾女子徵側及其妹徵貳反攻郡徵側者麓泠縣左

將之女也麓音米嫁為朱鳶人詩索妻甚雄勇交趾太守

蘇定以法繩之側忿故反於是九真日南合浦蠻俚皆

應之凡略六十五城自立為王交趾刺史及諸太守僅

得自守十八年遣伏波將軍馬援樓船將軍段志發長沙桂陽零陵蒼梧兵萬餘人討之明年夏四月援破交趾斬徵側徵貳等餘皆降散進擊九真賊都陽等破降之徙其渠帥三百餘口於零陵嶺表悉平章帝元和初日南徼外蠻夷宄不事人蠻夷別號邑豪獻生犀白雉永光中日南象林蠻二千餘人寇掠百姓於是置象林將兵長史以防其患順帝永和二年日南象林徼外蠻夷區憐等數千人攻象林縣燒城寺殺長吏州郡并力討之不利帝召公卿百官及四府掾屬太尉司馬司空大將軍府問其方略皆議遣荆揚兗荆河四萬兵赴之大將軍從事中郎

李固駁曰若荆揚無事發之可也今二州盜賊盤結不散而復擾動必更生患又兗州荆河之人遠赴萬里詔書迫促必致叛亡軍行三十里為程而去日南九千餘里三百日乃到計人廩五升古升小故曰五升用米六十萬斛不計將吏驢馬之食但負甲自致費便若此九真日南相去千里發其吏人猶尚不堪何況四州之卒以赴萬里之艱哉前中郎將尹就討益州叛羌益州諺曰虜來尚可尹來殺我後就徵還以兵付刺史張喬因其將吏旬月之間破殄寇逆此發將無益之效州郡可任之驗也宜更選有勇略仁惠任將帥者以為刺史太守悉使

往止交趾府下今日南兵單無穀守則不足戰又不能
可一切徙其吏人北依交趾事靜之後乃令歸本還募
蠻夷使自相攻有能反間致頭首者許以封爵錫土之
賞故并州刺史長沙祝良性多勇凌又南陽張喬前在
益州有破賊之功皆可任用昔文帝就加魏尚為雲中
哀帝即拜龔舍為太山宜即拜良等便道之官於是拜
祝良為九真太守張喬為交趾刺史喬良至單車入賊
地設方略招以威信嶺外復平其後屢為反叛州郡兵
討降之至靈帝建寧三年鬱林太守谷永以恩信招降
烏許人十餘萬內屬皆受冠帶開置七縣然自漢以後

列置州縣僚俗難理率數歲一亂終不足為大患

海南諸國總敘

原杜氏通典曰海南諸國漢時通焉大抵在交州南及
西南居大海中洲上相去或五百三百里五千三千里
遠者二三萬里乘船舉帆道里不可詳知外國諸書雖
言里數又非定實也其西與諸胡國接元鼎中遣伏波
將軍路博德開百越置日南郡其徼外諸國自武帝以
來皆獻貢後漢桓帝時大秦天竺皆由此道遣使貢獻
及吳孫權遣宣化從事朱應中郎康泰使諸國其所經
及傳聞則有百數十國因立記傳晉代通中國者蓋數

及宋齊至者有十餘國自梁武隋煬諸國使至踰於前代唐貞觀以後聲教遠被自古未通者重譯而至又多於梁隋焉其無異聞亦不復更記

林邑

源杜氏通典曰林邑國秦象郡林邑縣地漢為象林縣屬日南郡古越裳之界也在交趾南海行三千里其地縱橫可六百里去日南界四百餘里其南水步道二千餘里有西屠夷亦稱王焉馬援所植兩銅柱表漢界處也馬援北還留一銅柱於銅柱處至隋有三百餘戶悉姓馬土人以為流寓曰馬流人銅柱尋及馬流人常識其處林邑國記馬援樹兩銅柱於象林南界與西屠國分漢之南境又云銅柱山周十里形如倚蓋西跨

重巖東臨大海屈鬱道里記云林邑大浦口有五銅柱焉後漢末大亂縣功曹姓區

有子曰連殺縣令自號為王後王無嗣外孫范逸代立晉武太康中

來貢獻成帝咸康二年范逸死奴文篡位奴文昔嘗北

至洛陽商貨因教王作宮室兵車器械王愛信之後為

將乃譖王諸子或徙或奔及王死無嗣遂自立為王乃

攻旁國并之有眾四五萬至穆帝永和三年文率其眾

攻陷日南還據其地告交州刺史朱蕃求以日南北鄙

橫山為界初徼外諸國嘗齎寶物自海路來貿貨賄而

交州刺史日南太守多貪利侵侮十折二三由是諸國

怨憤且林邑少田故貪日南之地文又襲九真害士庶

十八九文死子佛立猶屯日南九真太守灌邃率兵討佛走之邃追至林邑時五月立表日在表北影在表南九寸一分自北影之南故開北戶以向日此大較也隋文帝既平陳後遣大將軍劉方步騎萬餘人擊之其王梵志率其徒乘象而戰方多掘小坑草覆其上因以兵挑之梵志悉眾而陣方偽北走梵志逐之其象多陷轉相驚駭軍遂亂方縱兵擊大破之遂棄城而走方入其都獲其廟主十八枚皆鑄金為之蓋其有國十八葉矣

唐明一統志曰唐貞觀中其王頭黎獻方物子鎮龍嗣為摩訶慢多伽獨所弑范氏遂絕國人立頭黎之姑

子諸葛地更號環王唐元和初入寇驩愛等州安南都護張丹擊破之遂棄林邑徙國於占因號占城

林邑二

結遼解語 珠火能然 唐書林邑傳云有結遼鳥能解人語又曰貞觀四年其王

范頭黎遣使獻火珠大如雞卵圓白皎潔光能照數尺狀如水精正午向日蒸之即火燄 螢火飛

金 鱧魚化鐵 南史林邑傳曰其國有金山石皆赤色

曰范文本曰南西卷縣吏帥范幼家奴常牧牛於山間得鱧魚化為鐵以鑄刀刀成文向日咒曰若砍石破者文當至此國因為砍 唐昭陵圖頭黎之形 李百

石如齒易象文心異之 藥獻鸚鵡之賦 唐書林邑傳云頭黎死子范鏡龍代立

元嗣之前 太宗異之詔太子右庶子李百藥為之賦 林邑占城

占城

增宋史曰占城國在中國之西南東至海西至雲南南至真臘北至驩州其地東西七百里南北三千里南曰施備州西曰上源州北曰烏里州所統大小州三十八不盈三萬家其國無城郭土地所出箋沈香檳榔烏櫛木蘇木白藤黃蠟吉貝花布絲絞布白氍布藤篔貝多葉簞金銀鐵錠等物民獲犀象皆輸於王其王腦後髮髮散披吉貝衣戴金花冠七寶裝纓絡為飾脛股皆露躡革履無鞮婦人亦腦後撮髻無笄梳其服及拜揖與男子同王每日午坐禪椅官屬謁見膜拜一而止白事

畢復膜拜一而退或出遊看象采獵觀魚皆數日方還近則乘軟布兜遠則乘象或乘一木杠四人舁之先令一人持檳榔盤前導從者十餘輩各執弓箭刀槍手牌等其民望之膜拜其風俗正月一日牽象周行所居之地然後驅逐出郭謂之逐邪四月有遊船之戲定十一月十五日為冬至人皆相賀每年十二月十五日城外縛木為塔王及人民以衣物香藥置塔上焚之以祭天地不產茶亦不知醞釀之法止飲椰子酒兼食檳榔明一統志曰周顯德中其王釋利因德漫遣其臣莆訶散來貢宋乾德中其王悉利因陁盤遣使因陁玠等貢

方物自是間歲或數歲一貢淳熙中襲破真臘慶元中
真臘大舉復讎俘殺幾盡更立真臘人以主之元至元
間其主孛由補刺者吾內附遣使貢方物後其補的遂
負固勿服屢遣重兵臨之又數遣使招諭乍臣乍叛終
無通志明洪武初其主阿荅阿者首遣其臣虎都蠻來
朝貢方物詔遣中書省管勾甘桓等封為占城國王自
是朝貢不絕

占城二

增殺牛祭鬼

驅象逐邪

宋史占城傳曰國有山牛不
在耕耨但殺以祭鬼將殺令

巫祝之曰阿羅和及拔譯
云早教他託生

下見前

四月遊船

季冬縛塔俱見

前

薇水香衣

火油熾水

宋史曰有蒿薇水灑衣經
歲香不散猛火油得水愈

熾二者皆為
以琉璃餅

石名菩薩

書用貝多

又云有雲龍形
迎陣帶菩薩石

葉以香木函盛之

占城三

增表

宋占城國王楊普俱毗茶室高曰臣聞二帝封疆

南止扁於湘楚三王境界其不及於幽燕仰矚昌時實
邁往迹伏惟皇帝陛下乾坤授氣日月儲英出震居尊
承基御極慈悲敷於天下聲教被於域中業茂前王功
芳徂后蒼生是念黃屋非心無方不是生靈有土並為
臣妾真風徧布霈澤周行凡沐照臨共增聳抃臣生於

邊表部

占城

占城

邊鄙幸襲華風蟻蛭逢房聊為遂性龍樓鳳閣尚阻觀
光再念自假天威獲全封部鄰無侵奪俗有舒蘇每歲
拜遣下臣問寧上國蒙陛下恩霑行葦福及豚魚特因
迴人頒賜戎器臣本王惟望闕焚香歡呼拜受心知多
幸曷荅洪恩聖君既念於賓王微懇肯忘於述職今遣
專信臣某等遠充歲貢雖表楚茅之禮實懷魯酒之憂
虔望睿明俯寬譴戮某等廻日軍容器仗耀武之物伏
願重加賜賚蓋念忝為臣子合告君親服飾車輿威儀
斧鉞不敢私制惟望恩頒干冒冕旒不任死罪

婆利

檀舊唐書曰婆利國在林邑東南海中洲上其地延袤
數千里自交州南渡海經林邑扶南赤土丹丹數國乃
至焉其人皆黑色穿耳附璫王姓刹利耶伽名護路那
婆世有其位王戴花冠形如皮弁裝以真珠瓔珞身坐
金牀侍女有金花寶鏤之飾或持白毳拂孔雀扇行則
駕象鳴金擊鼓吹蠶為樂男子皆拳髮被吉貝布橫幅
以繞腰風氣暑熱恒如中國盛夏穀一歲再熟有吉貝
草絹其花以作布屨者名吉貝細者名白氎 文獻通
考曰婆利古未嘗通中國問其先年數不計自言白淨
王夫人即其國女梁天監十六年遣使奉表獻金席等

普通三年復遣使貢獻其國有舍利鳥通人言隋大業
唐貞觀中俱遣使朝貢其東即羅刹也

羅刹

增文獻通考曰羅刹國其人極陋朱髮黑身獸牙鷹爪
與林邑人作市輒以夜晝則掩其面隋大業三年遣使
常駿等使亦土國至羅刹

丹丹

增文獻通考曰丹丹在振州東南王姓刹利名尸陵伽
每晨夕二時臨朝其大臣八人號曰八座並以婆羅門
為之王以香粉塗面冠通天冠挂雜寶瓔珞衣朝霞履

皮履近則乘輿遠則馭象攻伐則吹蠡擊鼓兼有幡旗
梁中大通二年其王遣使奉表送象牙及畫塔二驅火
齊珠吉貝香藥大同元年復遣使獻金銀琉璃雜寶香
藥等物唐總章時又獻方物

盤盤

增舊唐書曰盤盤國在林邑西南海曲中北與林邑隔
小海自交州船行四十日乃至其國與狼牙脩國為鄰
人皆學羅婆門甚敬佛法 又曰僧尼讀佛經皆食肉
而不飲酒道士不食肉國不甚重俗皆呼僧為比丘呼
道士為貪宋元嘉孝建大明中及梁中大通元年四年

六年隋大業中俱遣使朝貢唐貞觀九年來貢永徽中獻鸚鵡

陁洹

增舊唐書曰陁洹國在林邑西南大海中東南與墮和羅接去交阯三月餘日行實服於墮和羅其王姓察失利字婆末婆那土無蠶桑以白氎朝霞布為衣俗皆樓居謂之干欄貞觀十八年遣使來朝二十一年又遣使獻白鸚鵡及婆律膏仍請馬及銅鐘詔并給之

訶陵

增舊唐書曰訶陵國在南方海中洲上居東與婆利西

與墮婆登北與真臘接南臨大海豎木為城作大屋重閣以梭欄皮覆之王坐其中象牙為牀食不用箸以手而撮亦有文字頗識時曆俗以椰樹花為酒其樹生花長三尺餘割之取汁以成酒味甘飲之亦醉貞觀十四年大曆三年皆遣使朝貢元和八年遣使獻僧祇僮五人鸚鵡頻伽鳥并異種名寶以其使李訶內為累殺訶內請迴授其弟詔褒而從之十三年遣使獻僧祇女二人鸚鵡玳瑁及生犀等新唐書曰其國別有毒人與同止宿即令身瘡若涎液露著草木即枯其人死身不爛不臭

墮和羅

增舊唐書曰墮和羅國南與盤盤北與迦羅舍佛東與真臘接西鄰大海去廣州五月日行貞觀十二年其王遣使貢方物後又遣使獻象火珠請賜好馬詔許之

墮婆登

增舊唐書曰墮婆登國在林邑南海行二月東與訶陵西與迷黎車接北界大海風俗與訶陵略同其國種稻每月一熟亦有文字書之於貝多葉貞觀二十一年其王遣使獻吉貝象牙白檀太宗璽書報之并賜以雜物多蔑

增文獻通考曰多蔑國其人短小兄弟共娶一妻婦總髮為角辨夫之多少唐貞觀中通焉在南邊國界周迴可一月行南阻大海西俱遊國北波刺國東貞陀桓國戶口極多置三十州不役屬他國有州郭宮殿樓櫓並用瓦木以十二月為歲其俗交易用金銀朝霞等衣服百姓二十而稅一五穀菜蔬與中國不殊

多摩長

增文獻通考曰多摩長國居於海島東與婆鳳西與多隆南與半支跋華言五山也北與訶陵等國接其國界東西可一月行南北可二十五日行其王之先龍子也

名骨利骨利得大鳥卵剖之得一女子容色殊妙即以爲妻其王尸羅劬備伊說即其後也唐顯慶中遣使貢獻其俗無姓衣物與林邑同勝兵一萬餘人無馬有弓刀甲稍婚姻無同異姓之別其食器有銅鐵金銀其家畜有殺羊水牛野獸有麀鹿等其音樂略同天竺有波那婆宅護遮菴磨石榴等果多甘蔗從其國經薩盧都思訶盧君那盧林邑等國達於交州

狼牙脩

釋文獻通考曰狼牙脩國在南海中北至廣州二萬四千里土氣物產與扶南略同其俗男女皆袒而被髮以

吉貝爲干漫王及貴臣乃加雲霞布覆髀以金繩爲絡金環貫耳其國累塼爲城重門樓閣王出乘象有幡旂鼓罩白蓋兵衛甚嚴國人說立國以來四百餘年後嗣衰弱王族有賢者國人歸向之王聞乃加囚執其鎖無故自斷王以爲神不敢害乃遂出境遂奔天竺天竺妻以長女俄而狼牙王死大王迎還爲王子婆伽達多立梁天監十四年遣使奉表

于陀利

釋文獻通考曰于陀利國在南海洲上俗與林邑扶南略同出斑布吉貝檳榔特精好爲諸國之極宋孝武世

王釋婆羅那都陀遣長史竺留弛獻金銀寶器梁天監元年其王瞿曇修跋陀羅以四月八日夢一僧曰中國今有聖王十年之後佛法大興汝若遣使供奉禮敬則土地豐樂商旅百倍若不信我則境土不得自安初未之信既又夢此僧曰汝若不信我當與汝往觀乃於夢中至中國拜觀天子既覺心異之陀羅木工畫乃寫夢中所見武帝容質飾以丹青遣使并畫工奉表獻玉盤等物使人既至摹寫帝形以還其國比本畫則符同焉因盛以寶函日加禮敬後跋陀羅死子毗針邪跋摩立十七年遣長史毗員跋摩奉表獻金芙蓉雜香藥等普通

元年復遣獻方物

扶南

原杜氏通典曰扶南國在日南郡之南海西大島中去日南可七千里在林邑西南三千餘里其境廣袤三千餘里其先有女人為王號曰柳葉年少壯健有似男子其南有激國人名混填來伐柳葉降之遂以為妻惡其裸露形體乃穿疊布貫其首理其國至王混盤況死國人立其大將范師蔓為王蔓勇健有權略以兵威伐旁國咸服屬之自號扶南大王開地五六千里蔓死國亂大將范尋自立為王是吳晉時也其後王姓矯陳如本

卷一百三十三

洪鑑類函卷一百三十三

扶南

天竺婆羅門也有神語曰應王扶南矯陳如南至盤盤
 扶南人聞之迎而立焉復改制度用天竺法 **文獻**
 通考曰宋齊梁並獻方物隋時其國王姓古龍諸國多
 姓古龍訊耆老言崑崙無姓氏乃崑崙之訛隋代遣使
 貢獻唐武德後頗來貢貞觀中又獻白頭國二人於洛
 陽其國在扶南之西在參半之西南男女生皆素首身
 又凝白居山洞之中四面巖險故人莫至與參半國相
 接

扶南二

沸 沸環燒鎖以斷罪 養魚圈獸以沒刑 齊書曰無牢獄有訟者則

以金指環若雞子投沸湯中令探又燒鎖令赤著手上
 行七步有罪者手皆焦爛無罪者不傷 南史曰於
 城溝中養鰐魚門外圈餽獸有罪以餒猛獸及鰐魚
 獸不食為無罪三日乃放之鰐魚大者長三丈餘狀如
 龍有四足喙長六七尺兩邊有齒利如刀劍常食魚
 遇得鷹鹿及人亦噉之蒼梧以南及外國皆有之

頓遜

指 南史曰頓遜國梁時聞焉在海崎上地方千里城去
 海十里有五王並羈屬扶南頓遜之東界通交州諸賈
 人其西界接天竺安息徼外諸國往還交易其市東西
 交會日有萬餘人珍物寶貨無不有又有酒似安石榴
 采其花汁傳甕中數日成酒出藿香插枝便生葉都梁
 以裛衣國有區撥等花十餘種冬夏不衰其花燥更芬

南史

南史

頓遜

馥亦末爲粉以傅身焉

毗騫

習南史曰毗騫國梁時聞焉在頓遜之外大海洲中去扶南八千里傳其王身長丈二頭長三尺自古不死莫知其年王神聖國中人善惡及將來事王皆知之是以無敢欺者南方號曰長頸王國俗有室屋衣服噉粳米其人言語小異扶南有山出金金露生石上無央限也國法刑人並於王前噉其肉國內不受估客有往者亦殺而噉之是以商旅不敢至王常樓居不血食不事鬼神其子孫生死如常人唯王不死扶南王數使與書相

報荅常遺扶南王純金五十人食器形如圓盤又如瓦塶名爲多羅受五升又如碗者受一升王亦能作天竺書可三千言說其宿命所由與佛經相似並論善事

火山

釋文獻通考曰火山隋時聞焉國中山皆有火雖雨不息火中有白鼠扶南土俗云火洲在馬五洲之東可干餘里春月霖雨雨止則火發洲上林木得雨則皮黑得火則皮白諸左右洲人以春月取其木皮績以爲布或作燈炷布若小穢投之火中使潔又有加營國北諸薄國西山周三百里從四月火生正月火滅火發則草木

葉落如中國寒時人以三月至此山取木皮績為火浣布

赤土

增隋書曰赤土國扶南之別種也在南海中土色多赤因以為號東波羅刺國西婆羅娑國南訶羅旦國北距大海地方數千里其王姓瞿曇氏名利富多塞稱其父釋王位出家為道傳位於利富多塞在位十六年矣有三妻並鄰國女居僧祇城有門三重相去各百許步每門圖書菩薩飛仙之象又四婦人容飾如佛塔金剛力士之狀夾門而立門外者持兵仗門內者持白拂夾道

垂素網綴花王宮諸屋悉是重閣北面坐三重之榻衣朝霞布冠金花冠垂襪寶瓔珞王榻後作一木龕以金銀五香木雜鈿之懸一金光燄夾榻樹二金鏡前陳金甕各有金香爐當前置一金伏牛前樹寶蓋左右皆有寶扇婆羅門等數百人東西重行相向而坐其俗皆穿耳翦髮無跪拜之禮以香油塗身敬佛尤重婆羅門婦人作髻於頂後男女通以朝霞朝雲襪色布為衣豪富之室恣意華靡唯金鑲非王賜不得服用每婚姻擇吉日女家先期五日作樂飲酒父執女手以授壻七日乃配既娶即分財別居惟幼子與父居父母兄弟死則別

髮素服就水上構竹木為棚棚內積薪以尸置上燒香
建幡吹蠡擊鼓以送縱火焚薪遂落於水中貴賤皆同
唯國王燒訖收灰貯以金餅藏於廟屋冬夏常濕雨多
霽少種植無時特宜稻稌白豆黑麻自餘物產多同於
交趾以甘蔗作酒醪以紫瓜根酒色黃赤味亦香美亦
名椰漿為酒隋煬帝嗣位募能通絕域者大業三年屯
田主事常駿等請使赤土帝遣齋物五千段以賜赤土
王十月駿等自南海郡乘舟晝夜二旬每日遇便風至
焦石山而過東南詣陵伽鉢拔多洲西與林邑相對上
有神祠焉又南行至師子石自是島嶼連接又行二三

日西望見狼牙須國之山於是南達雞籠島至於赤土
之界其王遣婆羅門鳩摩羅以舶三十艘來迎吹蠡擊
鼓以樂隋使進金鑠以纜船月餘至其都王遣人送金
盤貯香花并鏡鑷金合二枚貯香油金餅八枚貯香水
白疊布四條以擬供使者盥洗又將象二頭持孔雀蓋
以迎使人并致金盤金花以蕃詔函男女百人奏蠡鼓
婆羅門二人導路至王宮駿等奉詔書上闕王以下皆
坐宣詔訖引駿等坐奏天竺樂事畢駿等還館又遣婆
羅門就館送食因謂駿曰今是大國臣非復赤土國矣
後數日請駿等入宴儀衛導從如初王前設兩牀牀上

並設草葉盤方一丈五尺上有黃白紫赤四色之餅牛
羊魚鼈豬瑇瑁之肉百餘品延駿升牀從者於地席各
以金鐘罇酒女樂迭奏禮遺甚厚遣那邪迦隨貢方物
并獻金芙蓉冠龍腦香以鑄金為多羅葉隱起成文以
為表金函封之令婆羅門以香花奏蠡鼓而送之既入
海見綠魚羣飛水上浮海十餘日至林邑東南並山而
行其海水色黃氣腥舟行一日不絕云是大魚糞也循
海北岸達於交阯駿以六年春與那邪迦於弘農謁帝
帝大悅授駿等秉義尉那邪迦等官賞各有差

扶南諸小國

蒲羅中國 優鉢國 橫跌國 比擔國 馬州 薄歎州

耽蘭洲 戶延洲 濱那專國 烏文國 斯調國 林陽國

增太平御覽曰吳時康泰為中郎表上扶南土俗曰東
行極崎頭海邊有居人人皆有尾五六寸名蒲羅中國
其俗食人 優鉢國者在天竺之東南可五千里國土
熾盛城郭珍玩諠俗與扶南同 橫跌國在優鉢之東
南城郭饒樂不及優鉢也 諸薄之東南有比擔洲出
錫賣與外徼 諸薄之東有馬五洲出雞舌香樹木多
華少實 諸薄之西北有薄歎洲土地出金常以采金
為業轉賣與諸賈人易糧米襍物 諸薄之西北有耽
蘭之洲出鐵 諸薄之東北有巨延州人民無田種芋

邊

扶南諸小國

扶南諸小國

浮船海中截大蚶螺杯往扶南 濱那專國出驥都馬及金俗民皆有衣被結髮也 烏文國昔混滇初載賈人大舶入海所成此國 斯調洲灣中有自然鹽累如細石子國人取之一車輸王餘自入 扶南之西南有林陽國去扶南七千里土地奉佛有數千沙門持戒大齋日魚肉不得入國一日再市朝市諸襍米甘果石蜜暮中但香花

淵鑑類函卷二百三十三

淵鑑類函卷二百三十四

邊塞部五

增安南 真臘 投和 暹羅 彭亨
 佛齊 瓜哇 重迦羅 淳泥 注輦
 層檀 丹眉流 瓜哇 馬八兒諸國 蘇門答刺
 花面 錫蘭山 柯枝 滿刺加 九州山
 海諸小國 海南諸國
 安南

續文獻通考安南古交趾也在中國西南秦并天下置桂林南海象郡秦亡南海尉趙佗擊併之漢置九郡交趾居其一唐分嶺南為東西二道置節度立五筦安南隸焉宋封丁部嶺為交趾郡王傳子璉三世為黎桓所奪隨又為李公蘊所奪即封公蘊為主李氏傳八世

邊塞部

淵鑑類函卷二百三十四

安南

至吳昌陳日熒為吳昌塔遂有其國元憲宗三年遣使
攻之日熒竄海島八年日熒傳國長子光昌世祖中統
二年從光昌請封為安南王十四年光昌卒子日烜立
二十二年日烜僭稱大越國主憲宗興兵伐之二十五
年日烜遣使謝罪明年貢方物日烜卒子日燿遣使來
貢徵入朝不至武宗至大四年世子陳日燿遣使來朝
明洪武二年封日燿為安南國王賜駝鈕塗金銀印以
張以寧等至安南界日燿已卒其弟日烜嗣立詔封日
烜為王陳氏傳十二世至日焜而黎季犛篡立僭稱皇
帝國號大虞紀元天聖永樂四年以西平侯沐晟新城

侯張輔等率兵分道並進五年王柴胡等七人擒李犛
李保等十人擒其子澄安南人武如卿等擒偽大虞皇
帝蒼偽太子芮偽將相王侯柱國黎季犛等詔求陳氏
後復立為安南國王國人言黎賊殘陳氏無後乃郡縣
其地立交趾布政使司都指揮使司按察使司分十七
府曰交州北江諒江三江建平新安建昌奉化清化宣
化大原鎮蠻諒山新平又安順化升華四十七州一百
五十七縣衛十一所三市船司一改雞陵關為鎮夷關
安撫人民三百二十萬獲蠻人二百八萬七千五百糧
儲一千三百六十萬石象馬牛十三萬五千九百船八

千七百軍器二千五十三萬九千勅黃尚書福兼掌布
按二司事勅輔晟交趾應有懷才抱德之久悉心訪求
禮送京師擢用九月輔遣都督僉事柳升露布獻俘季
犛蒼及偽將相下獄赦澄芮等令有司衣食之陞柴胡
等指揮使僉事千戶進封輔英國公晟黔國公封升安
遠伯是冬贈故安南王陳氏子孫七入官 明一統志
曰洪熙元年寇孽黎利攻劫郡邑復命將討之宣德二
年黎利勢屈始奉表乞立陳氏後暹者王其國詔封為
安南王後利篡焉而自立朝臣復請加兵會利遣使來
貢謝罪請命因而與之朝貢不絕

安南二

增佛跡 仙遊 明一統志 佛跡山在交州府石室縣上
府武寧縣一名爛柯山 珊瑚 玳瑁 明一統志 珊瑚
海直而軟見日曲而堅漢初趙佗獻赤珊瑚名大樹
狒狒笑 猩猩啼 而長臂黑身披髮迅走食人見人則
笑 詳象 下 馬援 梓 諸葛 鈺 後漢書 馬援 既平交趾立
古 森 洞 上 有 援 梓 云 銅 柱 折 交 趾 滅 唐 馬 總 又 建 二 銅
柱 鑄 唐 德 以 明 其 為 伏 波 裔 趾 滅 唐 馬 總 又 建 二 銅
銅 鼓 象 富 女 子 以 金 銀 釵 擊 鼓 叩 竟 留 統 志 好 飲 酒 擊
與 主 人 或 云 銅 鼓 乃 諸 葛 亮 征 蠻 鈺 也

安南三

增詩 元 袁 桷 安南行 曰 輶 軒 使 者 安南來紫泥封詔行

通鑑

安南

風雷溼雲翻空海波立鐵網山裂狂蛟摧神京煌煌鎮
無極火鼠燭龍窮髮北彈丸之地何足論蚯蚓為城霧
為域瘴江如墨黃茅昏羣蠻渡江江水渾千年白雪不
到地十月青梅猶滿邨赤脚搖唇矜捷鬪竹箭藏蛇雜
猿狄崛強曾誇井底蛙低徊自比泥中獸龍飛天子元
年春萬方執璧修臣鄰朱干玉戚廣庭舞笑問銅柱今
何人君不聞重譯之人周代至時有越裳輸白雉又不
聞防風之骨能專車神禹震怒行天誅李侯桓桓水蒼
佩舌本懸河四方對後車並載朝未央稽首九拜乞取
金印歸炎荒

增頌明梁潛平安南頌曰念彼交趾作貢南土亦既有
年以奠其所惟厥姦臣敢背厥常狂言盈庭以幸樂康
天鑒在茲惟帝服訓奉若天命以征弗順皇皇聖謨百
萬其師赴越虎臣如熊如羆帝臨送之於江之滸鳴笳
沸天揮戈如雨皇帝曰吁來爾將臣汝弗究武往弔乃
民皇帝曰吁來爾統師參將副將左右其宜神機橫海
驃騎遊擊爰及鷹揚各率乃職浩浩江流桓桓我旅有
截其所有赫其武在江之西桂嶺之墟萬壘雲屯萬馬
雷趨王師未來虎穴狼區蜃氣晝暝虺沫林枯王師至
止有風泠泠飛霜被野天開日晶堂堂之陣道行無留

偏將別趨乃斧其喉乃斫其寨颺飛火烈泥沙培嶁何
有帶噪富良之江有徒林立一炬宵投羣舸如鴨大江
失據連柵齊拔乃蕩其郭乃夷其城兩都既平四郊遂
寧按兵止戈宣我皇德乃詔庶鰥載欣載悅有羊在牽
有酒盈尊延頸促武拜手轅門交人既來乃告乃謂曰
予天氓皇勿遐棄皇之宏化如天浩浩曾謂交民而不
覆幬飛章帝闕帝閔且呼曰莫交民曷圖厥初爰昔漢
唐制納內地宋化失宣投之醜類今五百年天運載旋
朕惟幾逢敢弗順天乃斷自衷乃擇俊又立之百司統
以庶吏乃發洪音乃厲庶士交民困疲汝憇鮮之母俾

交民憂心孔懷於乎噫嘻聖澤洋洋自今其始交民永
康

真臘一

增明一統志曰真臘本扶南屬國亦名占臘其王姓刹
利名質多斯那者始併扶南而有之隋大業中始通中
國唐自武德至聖曆凡四來朝神龍以後國分為二其
南近海多陂澤為水真臘其北多山阜為陸真臘後復
合為一宋政和中遣使來貢宣和初封為真臘國王與
占城等慶元中國人大舉伐占城破之而立真臘人為
占城王故當時占城亦為屬國其屬國又有參半真里

登流眉蒲甘等國所領聚落六十餘地方七千餘里明
洪武初國王忽兒那遣其臣奈亦吉郎等表獻方物自
是朝貢不絕

真臘二

增浮胡八足

建同無鱗

隋書浮胡魚其形似鮓背如

魚名建同四足無鱗其鱗同
於象吸水上噴高五六尺
稽首其帳以文木為竿象牙金
光燄有同干赤土前有金香爐
具瞻珞腰腹下垂至腰頭戴金
履革履耳懸金幣常服白香以
加瓔珞臣下服製大抵相類有
曰高相憑三曰婆何多凌四曰
諸小臣朝于王者以增下三稽
首王命上階則跪以

兩手自抱膊遠于環半
議政事訖跪伏而去

毗野菴羅之樹

金顏篤耨

之香樹明一統志毗野樹花似木瓜葉似杏實似楮菴羅
黃色者黑葉似棗實似李又曰金顏香乃樹脂有淡
衆香番人以之香塗身篤耨香樹如杉檜香藏于皮
老而脂自流益者名白篤耨冬月因其凝而取之者
名黑篤耨盛之以瓢碎瓢而焚之亦有香名篤耨瓢

投和

傳文獻通考曰投和國在南海大洲中真臘之南王姓
投和羅名脯邪乞遙理數城城內皆王宮室城外人居
可萬餘家王宿衛百人臨朝則衣朝霞冠金冠耳挂金
環頸挂金縷飾寶裝皮履官屬有朝請將軍功曹主簿
贊府等官分理文武州有參軍郡有金威將軍縣有城

局其長官初至各選官僚助理政事刑法盜賊多者死
輕者穿耳及頰并剪鬚私鑄銀錢者截腕國無賦稅俱
隨意貢奉以農商為業國人乘象及馬無鞍轡以繩穿
頰為節制音樂則吹蠡擊鼓其國市六所貿易皆用銀
錢小如榆莢有佛道有學校文字與中夏不同門皆東
開坐亦東向唐貞觀中遣使奉表以金函盛之又獻金
盃金鎮寶帶犀象海物等數十品

暹羅

續文獻通考曰暹羅在占城極南濱海本暹與羅斛
二國地暹乃赤眉遺種元至正間始降於羅斛合為一

國其國土瘠不宜耕種羅斛土田平行而多稼暹人歲
仰給之俗煮海為鹽釀秫為酒氣候不正人尚侵掠男
女椎髻白布纏頭被服長衫每有計議刑法輕重錢穀
出入之事並決之婦人婦人志量在男子上貿易以貶
子代錢所產有羅斛香味極清遠又有蘇木花錫犀象
翠羽之屬元元貞初進金字表賜金縷衣明洪武初暹
羅斛國王參烈昭毘牙遣使朝貢進金葉表詔賜大統
曆永樂初其國止稱暹羅其王遣使奈必表貢方物詔
賜古今列女傳且乞量衡為國中式從之朝貢不絕

彭亨

海國類函

卷二十四

暹羅 彭亨

續文獻通考曰彭亨國一曰彭坑地在東南海島中暹羅迤西俗尚怪常刻木香為人殺人血祭禱祈福禳災喜供佛其產片腦沉香花錫椰子明洪武十一年遣使表貢番奴及方物永樂十二年遣使朝貢

三佛齊一

增宋史三佛齊國蓋南蠻之別種與占城為鄰居真臘闍婆之間所管五十州汎海使風二十日至廣州其王號詹卑其國居人多蒲姓唐天祐元年遣使來貢方物宋太平興國五年其王夏池遣使茶龍眉來咸平六年遣使來貢且言本國建佛寺以祝聖壽願賜名及鐘上

嘉其意詔以承天萬壽為寺額并鑄鐘以賜祥符元年遣使來貢許赴泰山陪位于朝覲壇遣賜甚厚天禧元年遣使奉金字表貢真珠象牙梵夾經毘喩奴詔許謁會靈觀游太清寺金明池及還賜其國詔書禮物以獎之熙寧十年使來賜詔寵之曰吾以聲教覆露方域不限遠邇苟知夫忠義而來者莫不錫之華爵耀以美名以寵異其國爾悅慕皇化浮海貢琛吾用汝嘉併超等秩以昭忠義之勸 **續文獻通考**曰明洪武四年遣使奉金字表來朝并貢方物

三佛齊二

增龍腦猫睛

紅藤紫礦

明一統志土產有龍腦香猫睛石宋史土產紅藤紫礦

香油塗身

椰葉覆屋

宋史其人用香油塗身又曰累斃為城周數十里用椰

葉覆屋

瓜哇一

增續文獻通考曰瓜哇即古闍婆國濱海又名莆家龍為東南諸番之衝要元時稱瓜哇東抵古女人國西抵三佛齊南抵古大食國北抵占城屬國有蘇吉丹打板打網底物等國其在海外視占城益遠自泉南登舟海行者先至占城而後至其國其人醜恠情性語言與中國不能相通劉宋元嘉中始通中國後絕宋淳化中其

王木羅茶遣使來朝貢大觀中復貢元世祖出師海外諸蕃惟瓜哇之役最大然竟不能克其水有八節澗乃瓜哇咽喉必爭地元史弼高興嘗會兵于此其國分東西二王明永樂五年西王都馬板與東王戰滅東王十六年西王楊惟西沙遣人獻白鸚鵡其國四鄉初至杜板僅千家二酋主之流寓多廣東漳泉人又東行半日至廝邨中國人客此成聚落遂名新邨約千餘家邨主廣東人番舶至此互市金寶充溢人民富饒又南水行可半日至淡水港乘小艇行二十餘里至蘇魯馬益亦千餘家半中國人港傍大洲林木蔚茂有長尾猿數萬

增表劉宋闍婆婆達國王師黎婆達陀阿羅跋摩表曰
宋國大王大吉天子足下敬禮一切種智安隱天人師
降伏四魔成等正覺轉尊法輪度脫衆生教化已周入
于涅槃舍利流布起無量塔衆寶莊嚴如須彌山經法
流布如日照明無量淨僧猶如列宿國界廣大民人衆
多宮殿城郭如忉利天宮名大宋揚州大國大吉天子
安處其中紹繼先聖王有四海閻浮提內莫不求報悉
以茲水普飲一切我雖在遠亦沾靈潤是以雖隔巨海
常遙臣屬願照至誠垂哀納受若蒙聽許當年遣信若
有所須惟命是獻伏願信受不生異想今遣使主佛大

陀婆副使葛抵奉宣微誠稽首敬禮大吉天子足下陀
婆所啟願見信受諸有所請惟願賜聽今奉微物以表
微心

重迦羅

增續文獻通考曰重迦羅國其地與瓜哇相接高山奇
秀內有一石洞前後三門可容一二萬人田谷氣候與
瓜哇略同風俗頗淳國無君長推年高有德者主之煮
海爲鹽釀秫爲酒地產羚羊鸚鵡木綿椰子綿紗貨用
銀花絹又去數程曰孫陀羅琵琶拖曰丹重曰圓嶠曰
彭里不事耕種專尚寇掠與吉陀崎諸國相通商舶少

至

淳泥

增續文獻通考曰淳泥本閩婆屬國在西南大海中去占城三十日程所統十四州前代不通中國宋太平興國元豐間國王向打始遣使朝貢元無聞焉俗尚奢侈亦煮海為鹽釀秫為酒愛敬中國人見中國人醉者則扶之以歸所產有片腦檀香象牙吉貝布玳瑁鶴頂有貝多加蒙二樹心可為酒亦產紙類木皮而薄瑩滑色微綠明洪武四年遣使奉金銀箋來朝貢永樂三年詔封淳泥國王賜印符誥命六年王率妃及子弟妹陪臣

凡百五十餘人來朝貢珍物賜宴奉天門王卒于會同館賜謚恭順葬安德門外石子岡為樹碑立祠有司春秋致祭子遐旺襲封 明一統志曰初國王麻那惹加那上言蒙恩封王爵境上皆屬職方國有後山乞封表為一方之鎮王卒其子遐旺復以為請遂封為長寧鎮國山御製碑文刻石其上自是朝貢不絕

注輦一

增文獻通考曰注輦國東距海五千里西至西天竺千五百里南至羅蘭二千五百里北至頓田三千里自古不通中國水行至廣州約四十一萬一千四百里其國

邊塞部

游鑑類函卷二百三十四

淳泥

注輦

有城七重高七尺南北十二里東西七里每城相去百步凡四城用磚二城用土最中城以木為之皆植花果襟木其第一至第三城皆民居環以小河第四城四侍郎居之第五城王之四子居之第六城為佛寺百僧居之第七城即王之所居屋四日區所統有三十一部落其西十二其南八其北十一今國王相傳三世矣民有罪輕者格笞重者則斬或以象踐殺之其宴則國王與四侍郎膜拜於階遂共坐作樂歌舞不飲酒而食肉俗衣布亦有餅餌其兵陣用象居前弓矢在後四侍郎分領其衆國東南約二千五百里有悉蘭池國或相侵伐

地產真珠珊瑚玻璃檳榔豆蔻吉貝布獸有山羊黃牛禽有山雞鸚鵡果有餘甘藤羅千年棗椰子甘羅毘喩梅婆羅蜜之類花有白末利散絲蛇臍佛桑麗秋青黃碧婆羅瑤蓮蟬紫水蕉之類五穀綠黑豆麥稻地宜竹自昔未嘗朝貢宋大中祥符八年九月其國王羅茶羅乍遣使侍郎三文等奉表來貢以盤捧真珠碧玻璃升殿布於御坐前降殿再拜譯者導其言曰願以表遠人慕化之意謹遣專使等五十二人奉土物朝貢凡真珠衫帽各一真珠二萬一千一百兩象牙六十株乳香六十斤三文等又獻珠六千六百兩香藥三千三百斤初

羅茶羅乍既聞商舶言且曰十年來海無風濤古老傳云如此則中國有聖人故遣三文等入貢三文離本國舟行七十七晝夜歷那勿丹山婆里西蘭山至占賓國又行六十一晝夜歷依麻羅里山至古羅國國有古羅山行名焉又行七十一晝夜歷加八山古不牢山舟寶龍山至三佛齊國又行十八晝夜度蠻山水口歷天竺山至賓頭狼山望東西王母冢距舟所將百里又行二十晝夜度羊山九星山至廣州之琵琶洲離本國凡千一百五十日至廣州焉詔閤門祇候史祐之館伴凡宴賜恩例同龜茲使明年使迴降詔羅茶羅乍賜物甚厚

天禧四年又遣使奉方物入貢明年二月其王遣使以泥金表進真珠衫帽及真珠一百五兩象牙百株其使自言數朝貢而海風破船不達願將上等珠就龍床脚撒殿頂戴瞻禮以申向慕之誠乃奉銀盤升殿跪散珠於御榻下而退熙寧十年復遣二十七人來獻豌豆珠麻珠琉璃大洗盤生白梅花腦錦花犀牙乳香瓶香薷薇水金蓮花木香阿魏鴉砂丁香使副以真珠龍腦登殿跪而散之謂之撒殿既降詔遣御樂宣勞之以使為懷化將軍保順郎將

注釐二

邊塞部

州監頂函卷二百三十四

注釐

表宋注輦國王羅茶羅乍表曰鉅宋之有天下也二
帝開基聖人繼統登封太岳禮祀汾陰至德升聞上穹
眷命臣昌期斯遇吉語幸聞輒傾就日之誠仰露朝天
之款臣伏聞人君之御統也無遠不臻臣子之推誠也
有道則服伏惟皇帝陛下功超邃古道建大中衣裳垂
而德合乾坤劍戟鑄而範圍區宇神武不殺人文化成
廓明明之德以臨御下民懷翼翼之心以昭事上帝至
仁不傷于行葦大信爰及于淵魚故得天鑒孔彰帝文
有赫顯今古未聞之事保家邦大定之基竊念臣微類
醜雞賤如芻狗世居夷落地遠華風虛荷燭幽曾無執

贄今者竊聽歌頌普及遐陬恨年屬于桑榆阻躬陳于
玉帛矧滄溟之曠絕在跋涉以稍艱是敢傾倒赤心遙
瞻丹闕任土作貢同螻蟻之慕臙委質事君比葵霍之
向日

層檀

文獻通考曰層檀國在南海傍距海二千里宋熙寧
七年始入貢海道便風行百六十日經勿巡古林三佛
齊國乃至廣州其王名啞美羅啞眉蘭傳國五百年十
世矣人語音如大食地春暖貴人以越布纏頭服花錦
白疊布出入乘象馬元豐六年使保順郎將層伽尼再

邊塞部

詳盤類函卷二百三十四

層檀 丹眉流

至神宗念其絕遠詔賜賚有加

丹眉流

增宋史曰丹眉流國東至占臘五十程南至羅越水路十五程西至西天竺三十五程北至程良六十程東北至羅斛二十五程東南至闍婆四十五程西南至程若十五程西北至洛華二十五程東北至廣州一百三十五程其俗以板為屋跣足衣布以白紵纏首其王所居廣袤五里無城郭出則乘象車亦有小駟四時炎熱無霜雪未嘗至中國宋咸平四年國主多須機遣使打吉馬等九人來貢木香鑰鑷胡黃連紫鉏紅檀花布蘇木

象牙名見崇德殿賜以冠帶服物及還又賜多須機詔書以敦獎之

馬八兒諸國

增元史曰海外諸蕃惟馬八兒與俱藍足以綱領諸國而俱藍又為馬八兒後障自泉州至其國約十萬里其國至阿不合大王城水路得便風約十五日可到比餘國最大元世祖至元間唆都等奉璽書十通招諭諸蕃占城馬八兒俱奉表稱藩餘俱藍諸國未下十六年遣廣東招討司楊廷璧招俱藍國王必納的書降表附廷璧以進言來歲遣使入貢尋即遣使與廷璧再往招諭

以阻風假道馬八兒國其國宰相馬因的與不阿里屏人謂廷璧云我一心願為朝廷奴使札馬里丁入朝我大必閣赤赴算彈華言國主也告變算彈籍我金銀田產妻孥又欲殺我我詭辭得免今算彈兄弟五人皆聚加一之地議與俱藍交兵此間諸國皆有降心若馬八兒既下我使人持書招之可使盡降廷璧以聞即遣廷璧獨往十九年抵俱藍國王及其相馬哈麻等迎拜璽書隨遣使入貢俱藍既下餘諸國曰馬八兒曰須門那曰僧急里曰南無力曰馬蘭丹曰那旺曰丁呵兒曰來來曰急蘭亦解曰蘇木都刺皆遣使貢方物

蘇門答刺

增續文獻通考曰蘇門答刺即古蘇文達那也與花面國相接為西洋要會東南大山西北距海自滿刺加順風九晝夜可至其俗頗淳其產鶴頂錫斗蘇木胡椒潤布大笏明洪武中國王遣使奉金葉表入貢永樂中又遣使來貢已而王與花面王戰敗中矢死子弱不能復讎其妻發憤令于國曰能復此讎者我以為夫共國事有漁翁聞之率眾敗殺花面王其妻遂從漁翁十年其國故王之子率部眾殺漁翁王自立漁翁王子蘇幹刺奔峭山思復父讎故王子遣使來訴命太監鄭和率兵

遊歷部

詳錄類函卷二百三十四

蘇門答刺花面

往捕蘇幹刺歸獻闕下國乃寧王子感恩貢方物自後朝貢不絕

花面

增續文獻通考曰花面國地與蘇門荅刺接花面者男子皆以墨刺面為花獸狀故名俗淳厚自耕而食無盜田足稻禾他產亦盛美明初有使臣以海船駐蘇門荅刺遣人往其山採硫黃其長感德遂入貢

錫蘭山

增續文獻通考曰錫蘭山國地在大海中多山而翠藍獨高插天其海邊一盤石上有巨人跡長三丈許相傳

為先世釋迦從翠藍嶼來登此山足躡其迹云下有寺稱為釋迦佛涅槃真身在寺亦有舍利子在其寢處俗氣候常暑地豐米穀產寶石水晶明永樂十年遣中官鄭和奉勅齎金銀供器及綵粧織金寶幡施于寺及建石碑賞賜國王等如其國人負固謀害舟師和以兵擊破之俘其王獻闕下尋宥之歸國自是畏服金陵靜海寺藏有佛寶來自西方每歲時出獻佛堂上祝云亦鄭和所取

柯枝

增續文獻通考曰柯枝國與錫蘭山相對邨落傍海氣

邊塞部

錫蘭山柯枝滿剌加

錫蘭山柯枝滿剌加

游鑑類編卷二百三十四
候常熱田瘠少收地產胡椒通商販明永樂二年國王
可亦里遣其臣完者荅兒等來朝貢十年詔封其國之
山為鎮國山御製碑文立其上

滿刺加

增續文獻通考曰滿刺加國傍海自三佛齊至此十日
程山孤人少受制于暹羅每歲輸金四十兩以為稅明
永樂七年太監鄭和奉詔賜以雙臺銀印冠帶袍服建
碑封域為滿刺加國暹羅始不敢擾

九州山

增續文獻通考曰九州山國與滿刺加鄰其山產沉香

黃熟香明永樂七年鄭和奉表往諭諸番遣官兵入山
採香時得徑八九尺長六七丈者六株香味清遠黑花
細紋其山人駭然皆歎天朝之兵威力若神云

麻逸凍

增續文獻通考曰麻逸凍國其地在交欄山之西南洋
海中山峻地平氣候稍熱田禾倍收國尚節義婦人喪
夫則削髮髻面絕食七日多有並逝者得甦亦不再嫁
煮海為鹽釀蔗為酒產木棉黃蠟玳瑁椰花布貨用銅
鼎鐵塊五色布絹之屬

蘇祿

邊塞部

九州山麻逸凍蘇祿

增續文獻通考曰蘇祿國地在東洋海中其俗少粒食食魚蝦螺蛤短髮纏皂縵煮海為鹽釀蔗為酒氣候常暑其產竹布玳瑁珍珠明永樂十五年國東王巴都葛叭答刺西王巴都葛叭蘇哩峒王叭都葛巴刺卜各率其妻子來朝貢獻珍珠玳瑁諸物三王中惟東王為尊歸至德州卒命有司營葬並為樹碑封其長子都麻合為蘇祿東王十九年遣使來貢

海南諸國

呂宋 古麻刺 勿魯厚恩 甘巴里 婆羅 阿丹 白茫 古葛達 古里班 卒 碟里 打回 淡巴 亦思把 干 甘 阿魯 阿哇 麻杖 忽魯摸斯

增續文獻通考曰呂宋海中小國產黃金人多富厚質朴不喜爭訟明永樂三年國王遣臣隔察老來朝貢古麻刺地在東南海中前代無考明永樂中國王哇來頃本率其臣入朝至福州卒賜諡康靖 忽魯母恩國地在東南海中或曰在西徼外國小土瘠產檀香速香胡椒明永樂三年其王遣臣已即丁等入朝貢 甘巴里國地在南海中大鳥上明永樂中國王兜哇刺查遣臣得名公葛葛等來朝 婆羅國地負山面海人禮佛素食惡殺喜施產珍珠玳瑁瑪瑙車渠明永樂四年東西王各遣其臣勿黎哥等來朝貢珍珠玳瑁瑪瑙車渠

賜其王王妃及使人各有差 阿丹國地瀕海近古里國壘石為城砌羅股石為屋田肥收粟麥其他產亦多有馬步勝兵七千隣國畏之明永樂九年詔中使鄭和賜命互市 百花國在海中依山為國俗饒富尚釋教產紅猴龜筒玳瑁孔雀倒掛胡椒明洪武中國王刺丁刺者望沙亦遣臣八智亞壇等奉金葉表來朝貢 白葛達國海中一小國土瘠俗尚佛明宣德中國王遣其臣和者里一思等入貢 古里班卒國地在海中土瘠穀少物產甚薄明永樂三年國王遣人馬的等來朝貢又有木骨都東國瀕海堆石為城壘石為屋物產最多

連境有卜刺哇國竹步國俱入貢又有刺撒國自古里國舟行順風二十晝夜可至俗淳厚喪葬有禮其長亦入貢 碟里國地在西南海中大洲上產蘇木烏木人淳少訟尚佛明永樂三年國王遣使馬黑木等來朝貢 打回回海外小國產蘇木胡椒明永樂二年遣使麻勿等來朝貢 淡巴國地在西南海中君臣頗有威儀畜產城屋亦備市有交易野無寇盜稱樂土云明洪武十年遣人來朝貢 亦思把罕甘國地在西南海中最大物產豐俗朴厚尚佛畏刑喜施惡奪亦有中國人寓焉明永樂中遣使來朝貢 阿魯國一名啞魯在西南

海中與九州山相望明永樂中國主速魯唐忽先遣臣
滿刺哈三附古里諸國朝廷遣中官至其國賜以
紵絲紗羅 阿哇國明永樂中國王昌吉刺遣其臣入
貢 麻林國未詳所在明永樂十三年遣人獻麒麟等
物詔厚賜之 忽魯謨斯國地在西南海中亦有石城
石屋自古里國東南行二十五日可到民富饒產犬馬
西洋布獅子駝雞福祿羚羊長角馬哈獸上下皆回回
教門喜作佛事惡殺明永樂三年來朝貢

海南諸小國 龍牙犀角 龍涎嶼 龍牙門 吉里地 假里馬丁 竹步 小刺哇 吧魯 那哈 黎代 南淳里 錫蘭并縣形國 小葛蘭 溜山 祖法兒

續文獻通考曰龍牙犀角其地內平外尖民皆蟻附
而居氣候常熱田禾勤熟尚淳厚男女椎髻親戚尊長
一日不見則攜酒問安地產沉速降真黃熟香鶴頂蜂
蜜砂糖貨用土印八都刺布青白磁器之屬 龍涎嶼
浮灩海面波擊雲騰每至春間羣龍來集于上交戲而
遺涎沫番人乃架獨木舟登嶼採取以歸設遇風波則
人俱下海一手搦水而至岬也龍涎初若脂膠黑黃色
頗有魚鯉之氣久成大塊或大魚腹中剖出若斗大亦
覺魚鯉間焚之其香清遠貨與蘇門價亦非輕 龍牙
門在三佛齊之西北山門相對若龍角狀中通過船山

邊塞部

海南諸小國

海南諸小國

海鏡類考卷一百三十四
塗田瘠米穀甚厚氣候常熱四五月間淫雨男女椎髻
穿短衫圍稍布擄掠為豪吉里地悶居連迦羅之東
滿山茂林皆檀香樹無別產田肥穀盛氣候朝熱暮寒
男女斷髮穿短衫貨用金錢鐵磁之屬假里馬丁與
交欄山相望海洋中其地山列翠屏溪田雖有米穀少
收氣候常熱俗甚澆薄男女髡髮竹布為衣種芭蕉採
其實以代糧煮海為鹽釀蔗為酒地產玳瑁殺羊貨用
瓜哇布燒珠印布之屬竹步郵居寥落地僻西方風
俗少淳草木不生男女搵髮出以布兜山荒地廣雨多
無霖地產龍涎乳香金箔獅子金錢豹駝雞有六七尺

高者卜刺哇傍海為國居民聚落地廣斥鹵有鹽池
投以樹枝良久撈起結成白鹽不藉耕種捕魚為業男
女搵髮穿短衫圍稍布婦女兩耳帶金錢纓絡頂帶風
俗頗淳地產馬哈獸花福祿豹麂犀牛沒藥乳香龍涎
香象牙駱駝啞魯自滿刺加國好風行四晝夜可到
有淡水港入港到國其國南大山北大海西蘇門答刺
國界東有平地堪種稻穀風俗淳朴國語婚喪等事與
瓜哇相同貨用稀少棉布名考泥泥其國王國人皆回
回人山出飛虎如貓灰色有肉翅如蝙蝠能走能飛不
遠土產黃速香金銀香之類乃小邦也那哈即蘇門

荅刺師古須又達那國乃西洋總路自滿刺國向西南好風行五晝夜先到濱海一邨名荅魯蠻往東南十餘里可到其國無城郭有大溪淡水流出于海潮水一日長落二次其海口浪大常有船投沒其國南去大深山北大海東亦大山至阿魯國界正西邊海山連小國二處先至那孤兒王界後至黎代王界那孤兒即花面國黎代在那孤兒王地界之西其南大山北臨巨海西連淳里國為界國民一千家自推一人為王屬于蘇門荅刺土無所產語言動用與蘇門同山有野犀牛至多隨蘇門進貢南淳里自蘇門荅刺而西好風行晝

夜可到其國邊海人民千餘家皆回回人山產降真香名蓮花降亦有犀牛國西北海內有大乎頂峻山半日可到名帽山山西大海正西洋也番名那沒嚟洋西來過洋船俱投此山其山邊二丈上下海水内生海樹即黑珊瑚也其樹大者高二三尺如墨之黑似玉之潤有枝婆婆可愛山下亦有居人二三十家皆自稱為王若問其姓名則曰阿孤喇揞我便是王或問其次曰阿孤刺查我亦是王屬南淳里國所轄錫蘭并躑形國自南淳山開洋好風行三日見翠藍山在海中其山四五惟一最大番名按薦蠻山人巢居穴處男子赤體如獸

洪鑑卷一百二十四
畜土不產禾惟食山芋波羅蜜果芭蕉子之類或入海捕魚蝦而食傳云身有寸布即生爛瘡昔釋迦佛過海於此登岸脫衣浴水人盜其衣被釋迦佛誓以此至今莫能服衣俗言出卵嶼即此地也過此山西行七八日見鶯哥嘴山再二日至佛堂山始到錫蘭國名羅里泊船登岸海邊山脚石上有一足跡長二尺許云釋迦自翠蘭山岸脚踏其跡存焉中有淺水不涸人皆蘸之以拭面目曰佛水清淨左有佛寺內有釋迦佛身側臥及其佛牙并活舍利子等物在堂釋迦佛涅槃正此處也去此四五十里到王居處國王鎮里人崇信佛教尊

敬象牛不敢食牛死即埋之若私宰者罪死或納牛頭大金以贖其罪近有一山侵雲高聳山頂有人跡一深三尺長八尺餘云是人祖即盤古之足跡也山出青紅黃牙烏青米藍石昔喇泥窟沒盤諸寶石云是人祖淚結成海中有浮沙日照其上光彩潏灑曰有珍珠螺蚌聚集其上其國地廣人稠亞于爪哇民俗富饒椰子至多酒油皆以此造王以金為錢喜中國麝香紵絲青磁盤碗銅錢樟腦以寶石珍珠交易王遣人齎寶石等隨洋回寶船進貢小葛蘭自錫蘭國羅里往西北好風行六晝夜始到其國邊海東連大山西大海國王國人

皆鎖里崇信佛教尊敬象牛婚姻與錫蘭同雖小邦亦
遣人進貢 溜山自蘇門答刺國過帽山投西南船行
好風十餘日可到其國番名牒幹無城郭倚山聚居四
圍皆海地方不廣國之西去程途不等海中天生石門
如城闕八大處各有名曰沙溜人不知溜來溜麻里奇
溜加加溜每都里溜官喚溜此八處皆有所主而通商
船又有小窄之溜傳云三千餘里所謂弱水三千正此
處也國人巢居穴處不識米穀但捕魚蝦而食不知衣
以樹皮蔽其前後遇風雨不順舟師失舵過其溜落瀉
水漸無力而沉 祖法兒自古里西北行十晝夜可到

其國邊海倚山無城郭東南大海西北重山國王國民
皆回回人體長大貌偉言語質朴土產乳香其香乃樹
脂也其樹似榆而葉尖長王以金鑄錢名倘迦出駝雞
身匾頸長如鶴高三四尺每脚上有二指毛如駱駝

淵鑑類函卷二百三十四

